





誠齋集卷第三十八

廬陵楊 萬里

廷秀



詩

退休集

冬暖絕句

今歲無寒祇有暄臘前  
渾似半春天醉中若有薰香  
癖燒得南春衫袖穿

臘前月季

只道花無十月紅此花無日不春風  
已尖已剝臘脂筆四破猶包翡翠茸  
別有香超桃李雙更同梅樹雪



霜中折來喜作新年看忘却今晨是季冬

南齋前梅花

山園臘裏日蔬蕪只有南齋最遜他竹映梅花映  
竹翠毛障子玉妃圖

朝來早起掛南窓要看梅花試曉粧兩樹相挨前後  
發老夫一月不燒香

寄題周子中丞萬象臺自号乘成居士

昔從永和望青原永和在地山在天今從青原望萬  
象青原在下臺在上乘成先生學海龍眼高四海空  
復空如登中天鷲八徑下視積蘇同絳宮萬物一馬

喻多少漆國小家窮計較酒彌芥子亦未妙葱嶺老  
胡鳥知道此詩解嘲仍索蘭舉似先生應絕倒

添盆中石菖蒲水仙花水

舊詩一讀一番新讀罷昏然一次伸無數盆花爭訴  
渴老夫却要作閑人

小醉折梅

死愛花枝不忍吹醉來恣意折芳菲鬢邊挿得梅花  
滿更換南枝滿把歸

送錢文季僉判

東海珠胎清廟珍壁水秀孝第一人胡為俯首蓮泛



綠如有用我試治民古來幕中要婉畫君乃不肯作  
此客愛雖細碎吾不能玉壺清冰朱絲直梅花雪片  
迎新年送君搏風上九天鳳池鷄樹只咫尺致君克  
舜更努力

南溪早春

還家五度見春容長被春容惱病翁高柳下來垂處  
綠小桃上去末梢紅捲簾亭館酣日放杖溪山款  
款風更入新年是新年去年來當好時豐

春夜無睡思慮紛擾

不堪萬慮攪中腸打破愁城入醉鄉酒力盡時還又

動春宵短後却成長浮思閑念紛無數飛絮游絲徧  
八荒看到東窓欲白忽然一夢到羲皇

雪後寄謝濟翁材翁照騎來訪進退格

封胡連壁雨中來自送歸鞍悵獨回隱几讀書寒入  
骨開門落雪皓平階急尋火閣溫雙手自喚兒郎共  
一杯念汝野梅官柳路地爐松葉買茅柴

東園醉望暮山

我居北山下南山橫我前北山似懷抱南山如髻鬟  
懷抱冬狎暖髻鬟春最鮮松鬢沐初淨山鷓挿更妍  
我來猶斜陽我望忽夕烟一望便應去不合久憑欄



山意本自惜知何許人看急將白錦陣小隔青鬢顏  
近翠成遠淡縹緲天外仙誰知絕竒處政在有無間  
頃刻萬姿態可玩不可傳

小酌

酒入春逾勁天寒燭始明偶然傾一醜政爾餞三更

芍藥初生

芍藥新移處紅拳粲萬雛看來已可愛未問有花無

上章休致奉

詔不允感恩書懷

納祿惟愁晚蒙恩未聽辭猖狂思再讀感愆獨多時  
但有花開日無非飲醉時白頭何所用滿与插花枝

寄題萬元亨舍人園亭七景

意山

不識弁山面相逢笠澤詩祇應晚雲散玉立對門時

蒲魚港

蒲未長幾何已足庇玉尺只恐如主人潛逃不得

溪雲

閣前三面山閣下一溪水雲出戲作霖却歸宿簷裏

閑世界

要守閑世界不在世界外明月與清風何朝不相對  
也賢



架亭元用木一夕化為竹醉眼碧成朱若箇是蒼玉

倚茗

何處茗溪好請君來倚樓西山也驩喜奔走入簾鉤

繇隱棠

試問雖隱士何如陳東山出處均無闕母問出世间

送趙寬之排岸之官章貢

監河曾賦鹿鳴篇又奉潘輿上貢川五子循環迎一  
母手分酌玉祝千年鬱孤馬祖饒行樂挿栗來禽肥  
過拳蘭膳餘閑繙故紙曲江早起宴花邊

積雨新晴二月八日東園少步

鵝兒黃似酒

野水浮天碧鵝兒弄日黃傍人殊秀色似酒更風光  
破殼雙頰嫩眠沙百草香却將金鬱鬘試比褐衣裳  
未博山陰墨先娛錦里觴蒼波兼鳳詔莫遣浴鵝鶻  
夢中作一詩止得  
四句覺而足之

送靖江王守赴召

世言富貴易得家世難有賢父兄子弟未渠去賢君  
不見祖孫父子與兄弟根蘭樹玉枝六桂魏晉以來  
誰子家只數江淮一王氏世言淮水若絕渠不昌不  
知淮水有絕渠更長取看兩朝到吾宋中間人物無



閑空<sup>去聲</sup>有曾有旦繼茂弘即今紫樞繼子明昔纔一人今三人後者玉振前金声阿樞更有金玉阿兄子兩有剛方兼豈弟清江五馬來自東三年一日一春風又聞一節嚙歸去父老攔街遮不住喚他父老且細听朝家政要好公卿父老莫与朝家爭打鼓敲舡催速行

贈王婿時可

忠襄先生有賢甥瀘溪先生有賢孫只今二十能綴文超然下筆如有神忠襄文節爭日月瀘溪清風敵霜雪兩家不是無家法何須外人問衣鉢老夫卧病

南溪旁芙蓉紅盡菊半黃子來問訊維摩詰分似家風一瓣香

題安成刘伯深爵瑞里報德堂上白爵圖

君不見書堂之北爵瑞里安成令君旌孝止報德堂前松逼天下宅浩然老居士居士元無一物遺子孫只有牙籤三萬存即君飯此三萬軸落紙雲烟動場屋雪中負土成先塋感得路人雙涕零更傳雪爵雲上墮天表孝子踏雪行即看黃告來告弟是時雪爵應再至



嘉定元年春三月男 長孺 編定  
端平元年夏五月門人羅茂良 校正

誠齋集卷第三十八

誠齋集卷第三十九

廬陵楊 萬里

廷秀

詩

退休集

益公新作三層百尺新樓署曰圍山觀賀  
以唐律二章

萬峯飛入子城頭千里長江凡上流外面週遭蒼玉  
笋虛空幻出水晶樓簾開雪月非三界人立雲霄更  
九州一騎紅塵北來底平章軍國惱公平  
崖谷求仙底有仙金梯上去即仙源山川第一江西



景風月無邊相國園十倍黃樓况黃閣千尋青壁是  
青原寫成脚力猶強句灯火笙歌特地村有公登樓詩  
脚力猶強  
在之句

送丁卿季吏部赴召

吾州史君五十年不曾召節來日邊老夫送人作太  
守不曾送人上九天玉皇去年選丁寬遣來螺浦蘇  
筑鰥玉皇今年喚渠還州民遮道不得前文儒佳政  
萬口傳近世能吏了不閑道渠豈弟父母慈凜如水  
霜照人寒道渠明斷神一般秋毫不擾田里安一州  
天下孰後先要渠筆索待甘泉尚書履声再接再連更

進一步百尺竿紫渠黃閣半武間梅花滿枝雪滿山  
雪花能舞梅能言滿餞使君金玉船

庚申東園花發

曉風細々風鮮々也不鳴條也不喧却被花枝勾引  
着拈桃舞柳恣他顛  
桃溪李徑舊分栽紅白教他各自開可是桃花逞顏  
色一枝穿過李花來

與子仁登天柱岡過胡家塘專塘歸東園  
嫩晴無日也無風政是春光醉樣醲行到中峯元未  
覺回頭已度打頭風



胡床脚底萬峰寒  
拄杖錐尖亂藪斑  
天柱岡頭行未  
飽相攜更上一重山

數間茅屋傍山根  
一對兒童出竹門  
只愛行穿楊柳  
渡不知失却李花村

厭看家園桃李春  
踏青行徧四山村  
芳菲看盡還歸  
看：得園花特地新

登度雪臺

金波歲之占花回  
不等茶蘼一併來  
今歲香紅無香  
雪兩花同日忽齊開

山莊李花

山莊又報李花穠  
火急來看細雨中  
除却斷腸千樹  
雪別無春恨訴東風

送韓漕華文移節江東

公家文公天斗星  
可雙孟氏再六經  
姓名不上凌煙  
去只與日月爭光明  
君家魏公天一柱  
天無傾日  
無霧唯天唯堯唯永  
治臯且以還俱避路  
只今百年  
三百年文献衣被  
芝與蘭華文使者  
典刑存一生流  
坎晚乃騫豪氣  
拔上兼人間如君  
兩有兮誰先德星  
纔照翼軫地寒  
士驩呼細民喜  
鍾山石城何物神  
奪與東民天不嗔  
寄語東民也未穩  
渠是鸞臺鳳閣人



太寧郡夫人張氏挽詞二首

蕭照鄰  
參政妻

盖世金甌譜傳家象笏囊橐砧八葉相桂子一枝香  
葱嶺叅西學蘭陔揜北堂能詩飽經史箇是女班楊

右一

我憶定齋老壺觴父子間西湖梅半落東館月中宮  
倒傾王姑酒嶽峯杜母山升堂遲一拜作誄費頻刪

右二

故太恭人董氏挽詞刘公實母

誰別夫人孝惟天與病姑每云吾婦在底用別人扶  
愉色春相似弥年倦更無蒼々不汝報種黍定生菰

張氏輓詩後少

送周起宗經幹赴桂林帥幕一首

右一

貧是儒家事誰貧奉直如也無一歌飲劣有半床書  
婦能攻苦卿不負渠竟令鴻與侃相繼大吾閭

右二

親見卿為月頻移使者星藻虛南澗碧萱落北堂青  
遺下新綸狄空傳訓寧馨又孫還又子玉樹滿塔庭

右三

九秩開鴻筭前春祝壽觴秦淮作枿栢鍾阜當星香  
花壓藤輿重游回繡幃涼誰臺誰有母兼殺綵衣郎

右四



溧縣初栖鳳金陵復木牛重來喜城郭一夕閱山丘  
終始非無數東西豈自由銘旌三千里處處哭歸舟

右五

十一月十九日折梅二首

初愛寒香一朵斜又逢奇朵出高了折來折去花多  
了忘却前花與後花

也知春向歲前回不道春前早有梅折得數枝撚歸  
去蜂兒一路趁人來

謝張功父送近詩集

十年不夢軟紅塵惱亂閑心得我嗔兩夜連縉約齋

集双眸再見 帝城春鶯花世界輸公等泉石膏肓

探病身近代風騷四詩將非君摩壘更何人 四人范石湖尤

染溪蕭子岩陸放翁

贛守張子智舍人寄詩送酒和韻謝之

誰言天上張公子飛下崆峒看晚晴為愛東坡題八  
景却同嚴助厭承明詩來風雨清涼後語帶江山紫  
翠橫更遣麴生相暖熱十年同社再尋盟

送趙判官端國赴班改秩

金陵一見恍如夢君為過客儂相送廬陵再見春款  
殘君來入幕儂挂冠是時猛虎初出境赤子凜如水



在頤帝選良牧蘇瘦民前趙後丁庶且仁更得君作  
幕下賓四年千里日春與君相逢又相別人生聚  
散如霜葉桂林一枝三十年諸公交章荐遺賢去揖  
侍郎趨立班端然別我南溪邊為我一醉春風前看  
君搏風上九天

送周彥敷通判之官臨川

益國今姬旦治中小呂申留家視蘭膳疋馬見州民  
慈訓二六句寒牕三十春校書天祿閣才子即雲津

送曾文卿入京

如君大似陸雲龍一歎詞場萬馬空文透退之關揆

子騷傳正則祖家風十年柱笏南雲裏兩手投竿西  
日中壁水蓬山剩虛席儼筵趨取牡丹紅朝士初上  
僚謂之儼賀

送趙英仲司戶

紹興人物趙戶部身作長城護瓜部佛狸送死緣有  
人猿臂不侯得非數只今曹孫戶掾公吏能官政有  
祖風南山可搖判難奪東海不寬陰有功吾州上了  
本曹印謁帝明光當得覲秋風正緊送搏扶九萬程  
途人莫問

送聶士友通判上印入朝



君家樞相扶天極氣凌霜雪忠貫日史家有筆歎無  
人今有此人無此筆君侯名家千里駒拱壁盈尺徑  
寸珠合登清廟薦六瑚合叅豹尾隨屬車胡為小緩  
雲間翮竭來螺浦分風月開軒不與俗客談明月清  
風入牙頰只今上印去朝天春風玉笋催綴班相門  
有相君勉旃凌烟再寫進賢冠

送次公子之官安監稅

汝仕今差晚家庭莫恨離學須官事了庶忘世人知  
爭進非身福臨民只母慈閑征豈得已壑斷欲何為  
寄題南城吳子直子常上舍兄弟杜倉

有虞有宋双重華兩聖一心民一家綠針刺水農事  
起重華愁早沒此始黃雲登場萬寶秋重華對天失  
却愁二十八年臨御座大半光陰愁裏過天顏憂喜  
丞相知常平使者陳便益首倡為社倉首建溪旰江吳  
北承君師伯霜仲雪發爾私支竒虐魁手莫施活幾  
依子幾凍黎詔子又孫々又子箇是重華聖人意無  
論十世百千世

題劉翔卿蔚然樓二首

誠叟顛狂與醉題良翁珍重瀝環詞山稜莫學詩肩  
瘦月寫雲描總是詩



樓上青編入骨香樓前碧岫透簾光乘風飛上廣寒  
殿下看秋雲一点蒼

贈高德順

予年十有四拜 鄉先生高公守道為師與其  
子德順為友同居解懷德之齋房予謝病免歸  
德順杖藜躡屩訪予于南溪之上留之三日告  
歸贈以長句

兒時同客水中蟹鴨脚林間索詩債只今白髮共清  
燈一尊濁酒話平生我才不及君才美毛穎負君莫  
美事見說君家千里駒看渠高大君門閭

醉來忽墮錦繡窩無奈圍桃李繞何公角小亭無處  
坐見花多處背花多

去歲春時正病身對花不飲被花嗔如今急報千花  
道還我前來未送春

春半兩寒牡丹殊無消息

今歲芳菲儘未忙去年二月牡丹香寒暄不定春光  
晚榮落俱遲花命長纔一兩朝晴炫野又三四陣雨  
鳴廊對紅魏紫拳如蕨而况姚家進御黃

題李子立知縣問月臺

高雲走上青天半手弄銀盤濯銀漢喚起謫仙同醉



久<sup>吟</sup>一面問月一面對初頭混沌鵲崙樣阿誰鑿開一  
為兩是時燧人猶未胎那得火鑄銀盃來此盃能圓  
復能缺圓是誰磨缺誰盪中有桂枝起秋風何處移  
來秋北中謫仙似癡還似點把酒問月無說老夫  
代月一轉語月却問君領否君能飲酒更能詩一  
夕無月君不嬉月能伴君他百斛月能照君講<sup>詩</sup>万玉  
君但一斗百篇詩莫問有月來幾時謫仙遠孫證明  
著笑脫烏紗看月落

初秋戲作山居雜興俳體十二解

暑入秋來午更強風排雨遣曉美涼如何遠砌千愁

蕙只是開門一陣香

蚤起翻成坐睡昏鵲聲喚我步前軒竹扉日影針來

大墮<sup>音</sup>射<sup>音</sup>辟千<sup>音</sup>彈子痕

暑後花枝輸子春雜英小巧亦欣人素馨解點粉描  
筆卷鳳愛垂鷄下唇

風騷開國昨寒巖勞績批書課萃嵐黎子要肥千取  
百菊苗每摘一生三

昨夜天垂破玉盆今宵辛苦補盆唇看他補到十六  
七滿得十分虧二分

甌頭雲子喜嘗新紅嚼桃花白嚼銀笑殺他人浪<sup>官</sup>驩



喜村人殘底到官人

七月初頭六月闌老夫日醉早和酸禾莫將煮吃只生  
吃更洩天机向達官

自曝群書日間新淨楷白醖拂黃塵莫羞空腹無丁  
字且免秋陽晒殺人

獨對秋筠倒晚壺喜先吏舍四歌呼柳梢一殼茲緇

滓去上屋角双班谷古孤

湖蜜青唇調剝瓊沿犀紫觥腦藏冰先生病暑無多

酌堆釘金杵作塵生

卓午從他火織張先生別有睡為卿竹床移徧兩頭

令瓦枕翻來四面香

月色如霜不粟肌月光如水不沾衣一年沒賽中元

節政是桐涼水初冷時

謝潭帥余處恭左相遣騎惠書送酒三首

十煩上相領元戎帥府千年一日雄鏡樣洞庭那得

浪身為天柱不須峰丁居富貴雲相似中立安危國

與同帝恐我公終不去年虛左到今冬

鵲噪灯花兩太謾三朝五夜強相驩打門將軍還驚

枕破屋山人起著冠知己書從天上落杖夾香手把月

中看少陵泛愛風虛名句羨殺寒儒眼不寒



相思命駕竟成休投老寒盟豈自由雪後風濤難訪  
戴山間生死總依劉煩公赤手回耆吳容我青溪弄  
白鷗樺子尚堪駮使在門蘭桃李未應秋

陳安行舍人閣孝挽詞

媯水祀百世莆田生此公賢如太丘長忠似了齋翁  
玉色猶山立 皇居折棟隆 孝宗最知己交臂失

城紅

循吏今為冠高文妙草麻龔黃低一著班左共三家  
風度春無價身名玉絕瑕可憐人士淚滴損紫薇花  
我昔游群水公時宿石渠重來十鑽火兩省共周廬

小語趨丹陛嘉招煇雪腴破心投誅步淚落不能書

同王見可劉子年循南溪度西橋登天柱

岡望東山

親交久判忽相從飯罷相將拄瘦筇深澗小橋聊駐  
步匡床羽扇對西風水声流入肝胆裏日影輕遮雲  
氣中五潤即看朝 玉闕山居獨自卧山翁

偶因閑步散頑麻倦喚胡床小憇些飛上山頭人似  
鶴回看溪畔路如蛇雲烟極目知何愛松竹為門是  
我家下得少來飢更渴也無麥飯也無茶

和曾無疑贈詩語及歐陽公事



烏帽紅塵媿子陵綠簑青笠晚尋盟三千里外還家  
後七十二回看月生與子兩人長對酌笑渠万古浪  
垂名醉翁若是真箇醉皂白何須鏡樣明

演雅六言

穀棘受田百畝蠻觸有宅一區虻蚋戒之在聞蠅蚋  
寔繁有徒

果羸周公作誥鷦鷯由也升堂白鷗比德於玉黃鸝  
巧言如簧

登天柱岡

雲外千峯閑速行山尖一樹獨分明不知林下人家

密倚杖忽聞鷄犬聲

晚歸再度西橋

歸近溪橋東復東蓼花迎路舞西風草深一鳥忽飛  
起儂不覺他上覺儂

水落沙灘大有情游來游去不成行暗叢飛下小瀑

布攔住溪聲獨作聲

盡日山行意未消歸來再與坐溪橋山童拋石落溪  
水喚作魚兒波面跳

朝過溪橋聽水鳴似哀如怨百般聲歸來依旧鳴來  
了知向何人訴不平



題道卿貧樂齋

雪茹冰餐入骨香，慢款駝瘦儘詩狂。人傳幼婦皆稱絕，鬼笑家兄不姓方。細雨寒燈初夢短，斷思枯木一聲長。上天已辦河東賦，豈有長貧執戟郎。

睡起即事

午時睡起忽心驚，一事關心太嬾生。速摘茶糜薰自酒，不愁香重只愁輕。

送永州唐德門

忽報故人至，知從何許來。满怀俱玉雪，半語不塵埃。聚散千江月，悲驩一酒杯。檣烏有底急，一夕百相催。

送趙文有知府謁告省親

邦人寧食三斗葱，莫逢向來萬尾公。邦人寧卧文江路，莫放今侯雪川去。今侯箇是隆準孫，早排月脇斫桂眼。玉皇與民作陽春，遣來活却廬陵人。是時蠶尾正搖毒，邦人生愁總魚肉。今侯下車蔭未移，春臺戴民爺與鬼鳩鳴。雀乳一千里，鷓鴣半聲不到耳。今侯冰蘖清到底，一粒不嚼廬陵米。一茅不淪青原水，玉皇知渠是廉吏。如何尊公小達和，何恙靡已應無他。侯望白雲双淚落，棄帥謁告歸侍尊公喜。歸即日安一見綵服還，加餐玉皇詔侯結綵屬。徒上金門送鶴



鷺借令小緩作尚書也舍追趙工部

和虞君使易簡字知能所寄唐律二首

四海九州虞雍公擎天一柱雪山峯厥孫俊逸詩無敵下筆縱橫劍有鋒  
舊日門生今白髮故人書札照蒼松  
掉頭讀得紗巾落如對青雲阮仲容

柴桑卧病一茅廬或掉孤舟或命車道喪今朝逢祖謝文工獨步過應徐萬山不隔相思字數月之間兩待書廊廟方將訪喬木碧梧翠竹看新除

醉閣皂山碧崖道士甘叔懷贈美名人不及佳句法如何十古風

桂林戶椽舊能文有弟拋家作音道人詩似道人似鶴看來若箇覓纖塵

贈我新詩字字奇一奩八百顆珠玑問儂佳句如何法無法無孟也沒衣

送羅宣卿主簿之官巴陵

印山三子十一孫六人擢桂兩特恩惟君有子又擢桂父子仇香仍一門君今初泛洞庭拖湖水粘天更大墮音請君先上岳陽樓送眼君山最上頭將詩寫取一湖秋將秋寄來銷我愁為君酒船卷拍浮

送羅必高赴省



印山先生羅天文一卷周雅遺子孫一門三世云七  
人月中桂枝斫到根近來書種時絕却西隻度秋天虛  
一鷄今年有孫康晁鼎來問天還我北斗魁印山草木  
也驩喜印山風雲有生氣君不見普州衣鉢付仇香  
仇香衣鉢付此即年來三十年力強百斛九鼎一筆  
扛殿前春風更努力莫放別人居第一

除西留子上伯玉子西小酌

諸弟山行歸意忙先生雪卧夜深僵維風及兩歲云  
暮不醉無歸夜未央五酸更挽三酸麼四更偏覺五  
更長也知栢府明朝近且為梅花盡此觴

乙未春日山居雜興十二詞解

今歲春遲雨亦然生愁無水打秧田不愁三日如麻  
却綠樣溪流浪拍天

半月春晴探物華山園走得脚酸麻從教三日風和  
雨閉戶燒香不看花

海棠雨後不勝佳子細看來不是花西子織成新樣  
錦清晨濯出錦江霞

百舌殷勤報曉晴花梢做出百般聲饒渠學徧山禽  
語至竟何曾學得鶯

海棠重葉更妖伊嗟切斜青帝翻騰別一家格外出奇



人不識大紅抹利小蓮花

春寒偏勒牡丹遲晚似常年半月期正已清明同一  
日那時恰好放花枝

手種花王五百窠年來枯瘁半萌芽東風未要都開  
了每日教開三兩花

金作林檎花絕穠十年花少怨東風即今徧地藥枝  
錦不則梢頭幾點紅

寒久花遲也太奇兩膏飽足土膏肥牡丹芍藥君須  
記管取花房二尺圍

日影雲光學鍍金好風不肯碎花陰人言春色醲于

酒不醉衰容只醉心

半晴半雨半暄涼拖帶春容未要忙為報州家兼縣  
裏吾鄉改作萬花鄉

一春兩脚滯東園柳絆花牽不暫閑今日醲晴天氣  
好杖藜看水更看山

送談命周從龍

周子囊螢初學儒學儒不就學星書五九五厄無避  
處折得今年錐也無

暮春即事

花時追賞夜將朝花過遲眠日儘高又與山禽爭口



腹執竿挾彈守櫻桃

送蕭瑞卿

異縣二百里分襟五十年肯來尋病矣相對各蒼然  
舉似見時話茫如夢裡煙殘花猶可醉細酌斗酒眠  
聖恩增秩進職致仕感恩述懷

雨露絲綸下五宸問天乞得個閑身一生無恨長多  
感三請歸休恰四春手板先還大丞相安車懸待後  
來人從今萬八百塲醉忽自稱寬五柳中

春盡有感

等春不到怨春遲又是紅稀綠滿枝雨後花晚猶好

在檻前殘醉欲醒時百年人事皆如此千載詩魔六  
浪垂金印不爭釣石更饒爭得鬢邊絲

送分寧主簿羅寵材秩滿入京

要知詩客叅江西政似禪客叅曹溪不到南華與修  
水于何傳法更傳衣吾家親黨子羅子只今四海習  
鑿齒花紅玉白几百篇塞破錦囊脫無底三年簿領  
修水經夜半親傳瓊井芽定知誦向百僚上不道長  
江與落霞

書黃廬陵伯庸詩卷

句法何曾問外人草傳山谷當家春截來雲錦花無



樣倒寫珠胎海六貧汗竹香中翻墨汁扶藥梢上挂  
頭中詩名官賤看双好向道儒冠不誤身

賦益公平園牡丹白花青綠

東皇封作萬花王更賜珍華出尚方白玉杯將青玉  
綠碧羅領襯素羅裳古來洛口元無種今去天心別  
得香塗抹歐家記文著音此花未出說姚黃

和益公見謝紅都勝芍藥之句

江西春好不閑渠只說平園絕世無牡丹百種移洛  
苑海棠千樹賽成都坐令浮花并浪蕊誰敢塗鈿更  
抹朱不應一朵翻階艷博得尤宮八十珠

益公和百花青綠牡丹王字韻詩再和以  
往

渠是花中異姓王平園小試染花方冰霜洗出東風  
面翡翠輕稜疊雪裳衣領素娥酌青女曉看國色帶  
天香更將秋菊潭心水滴作茸茸月蕊黃

題黃唐伯一經堂

人言天地生仲尼不知仲尼生兩儀易中先自有大  
極生天生地誰得知一經以浚孤為六經以前一  
經足學子要探天地心詩書執禮皆可尋吾鄉後身  
黃叔度教子一經有佳處寄言韋家父子間浪此籛



金良汗顏

送廬陵丞劉約之

忠節聞孫定不虛西樞猶子故應殊  
鸞停梧上遺風在雁進松間得句無  
剩有老農歌贊府木多荐墨送清都  
晦翁若問誠齋叟上下千峰不要扶

謝張子儀尚書寄天雄附子北果十包

今古交情市道同轉頭立地馬牛風  
如何聽履星辰客猶念孤舟蓑笠翁  
饋藥双奩芬玉雪解包百果紫紫  
青紅看渠即上三台去天上毘陵說兩公  
乃祖今真參政封毘陵公

初秋小雨殘暑未退

兩好夫何小涼新竟未多飄蕭才響瓦  
点滴不露荷龍亦如儂否渠還畏熱麼  
敢勞頻上水諺謂電光為龍上水  
倩挽天河

送王子林節推歸融州

吾州佳士子王子深入黃茅作泛事  
捧檄還家侍老親猶能過我誦近文  
問渠鴉表几張紙笑道孤寒那得此  
老夫已把釣月竿安能為子插羽翰  
似聞融水有二天外臺使星俱好賢  
願子西去早著鞭歸來荐墨滿袖猶未乾



詠荷花中小蓮蓬

山蜂怕雨損蜂兒  
柔底出窠更倒垂  
只有荷蜂不愁  
雨蠟房仰卧萬花枝

病中屏内味独茹菜羹飯甚美

雲子香抄玉色鮮  
菜羹新煮翠茸鮮  
人間膾炙無此  
味天上酥陀忍爾甜  
渾是土膏含雨露  
何須醬豉与  
醃鹽茹毛禍首雍  
巫出饒到熊蹯來  
屬厭易牙雍人名巫見左

傳註

木犀芙蓉盛開

先生深住萬山村  
霧裏雲包不見痕  
也被閑人知去

慶芙蓉卷裏木犀門

賀張功父寺丞新長鳳鷄

念君只欠一英雄  
維萬事今君足也  
無想見碧梧森翠  
竹敢嘲老蚌出明珠  
只今小德轉春鳥  
後日熊兒投  
蹇駟自古相門長  
出相烟樓一撞莫教輸

題彭孝求碧雲飛觀

寸雲如絮起青原  
飛空化作一碧仙  
天風吹上南斗  
邊<sup>碎</sup>然墮在跋閣前  
老彭有孫桂雲住  
海蜃吐樓壓  
雲去日暮佳人來  
不來試誦陽休  
斷腸句

跋刘敏叔梅蘭竹石四清圖



老夫老伴竹千竿湖石江梅更畹蘭不道外人將短  
紙一時捲去也無端

戲跋朱元晦楚辭解

注易箋詩解魯論一帆徑度浴沂天無端又被湘纍  
喚去看西川競渡舡  
霜後藜粘無可羨美飢吟長听候蛩聲聒神上訴天應  
泣支賜江籬与杜衡

贈刘漢卿太醫

爐底金丹妙入神月中玉兔擣成塵臣門如市心如  
水只要陰功活万人

送安成羅茂忠

書臺佳士君章孫句法來自西溪門向來家住金谷  
園珊瑚四尺蠟作新床頭黃金已散盡買書却鑄文  
章印、成一字不療飢仰天大笑還哦詩諸老先生  
總參徧只欠一瞻晦翁面晦翁今已作貴人君從何  
許去問津勸君努力戰今舉來年拜渠為座主

曾伯貢主簿挽詩二首

練、蘭溪秀家、玉樹崇興安有才子良老是先生  
師與三冬學詩傳五字城一官終祭灶作麼便銘旌



我壯君初冠相逢便定交即今俱白首赴告即黃茅  
人物王魚謙詩聲島與郊病來無氣力不得真蘭肴

右二

黃司法妻歐陽氏孺人挽詩

法掾無復裔夫人六一孫夙勤南澗落晚享杜堂萱  
蒲團嚴新楨潘輿閱舊軒庭培森玉樹駟馬有高門  
題魯景山通判壽衍堂

人家具慶已燕喜人家重慶更何似宜春臺上賢治  
中妙齡斫桂廣寒宮親年九十身六二芝蘭玉樹森  
庭砌上堂綵衣稱壽觴下堂綉口喧雪總紫樞相公

喜嘉祥大書壽衍名其堂五世其昌未渠央

送劉茂材主簿之官理定

陸机二十作六賦劉君二十詣大常莢花浪險柯香  
怒點破龍額歸西江平津六十策第一劉君五十賜  
袍笏一官初八八桂林宮無早晚在努力大帥大曹  
兩德星總是青原旧使君若問公堂塔下吏便是三  
瑞堂前門生前進士

蕭照隣叅政大資挽詩

父子雙晁董中興只一家裏剛金百練表粹玉無瑕  
努力扶忠善平生嫉佞邪古人少全傳公傳即非夸



右一

東府辭金印南園伴赤松門蘭無意泣泉石自從容  
忽作丁威鶴云亡孝子龍一哀緣殄瘁不是涕無從

右二

贈盱江謙正之

盱江天上銀河水麻姑人間白玉京不生金珠不生  
玉只生命代千人英前有泰伯後子固後無來者前  
無古九州四海何同年濃墨大字薦惠連君家春草  
池塘句只今又見君著語袖中綉出詩一篇清新不  
減春艸編願君努力古人事再見光麻姑與盱水

太守趙山父命劉秀才寫予老醜索贊

香山有箇狂客恣游三十六峯不是河南賢尹誰贈  
明月清風

寄題舒州宿松知縣戴在伯重新紫霄亭

一代名臣張右丞玉山頭作紫霄亭如今再得戴安  
道拈出日時山色青  
萬里長江一線橫好風時送晚潮聲江州司馬叫不  
醒叫得廬山分一觥

寄題荆南撫幹胡仲方公廨信美樓

大資孫子天參甥磊砢胸中萬卷橫樓上已堆千古



恨晚潮更作斷腸声

古有仲宣今仲方二樓分定貯一秋江散愁幸有杯中  
月莫下南牕下北牕

題刘子遠春風堂

良齋先生門下士寒星向曉今餘幾春風堂上劉更  
生十年桂山問竒字良齋正派誰真傳更生得體仍  
得肝春風卷著兩袖裏放出搏扶天地間

題刘子遠宴坐畫閣樓

大年小景真兒戲郭熙遠山閑故紙東山一塔作毛  
錐試點南溪一溪水洒出樓前千萬峯一一奔騰入

樓裏金華仙翁強解事攘我樓中新句子

題大和宰卓士真寄新刻山谷快閣詩真

蹟

快閣江鷗遠避人西昌山月暗吹塵百年卓茂傳詩  
印之出風光色之新

太史留題快閣詩舊碑未必是真題六丁搜出嚴家  
墨白日青天橫紫蠅

同次公觀細陂小坐行店

溪店疑為旅溪村行當出郊莓苔依斷蓼翡翠上寒梢

南溪細陂



仙家有藥世無比能乾水銀作銀子老夫却把水晶  
環鎔作南溪一溪水閑隨稚子作音兒嬉金沙玉礫  
磊細陂水從陂上瀉澗底推碎水晶声滿耳忽然流  
下片蒼苔一朵影碧雲千里

訪蓬萊老人

不到蓬萊又幾時涼花漸盛暑花稀我来不是忘歸  
去忘却来时况道歸

現棊感興

本是輸棊強作贏看来終與好棊爭君看國手无雙  
底何用旁观掾敗兵

寄譙蜀帥袁起巖尚書閣學寄贈藥物

卧雪先生冰雪胸小迂星履領元戎華堂衣鉢風騷  
將錦屋笙簫造化工杜宇催歸波正綠海棠不睡燭  
斜紅遨頭未了詞頭下四世重新六五公  
拋官歸隱七經年睡殺山雲笑殺天剩兩殘雲黃帽  
底顛詩中酒白鷗前少年行路今已矣厚祿故人書  
寐然只有錦城袁閣李寄詩贈藥意怕

謝淮東漕虞壽老室文察院寄詩

詩吸三江捲五湖彫瓊為句字為珠前身譙守吟澄  
練今代世南行秘書獬豸我冠久塵醜星辰听履即



須臾夜來飛入東園去夢裏分明覓後后虛  
鶴行接翼復分襟酒病詩愁老不禁十載江湖千里  
月一生金玉兩知心悼亡君有安仁戚歸隱儂為老  
父吟早晚故人天上去未應廊廟忘山林

寄題安福劉道協涌翠樓

讀書臺南山繞屋恰似萬簪削青玉讀書臺北山更  
多又似碧海濯萬波臺邊高人子劉子架樓南北山  
圍裏醉中領客上上頭忽驚平地翠浪浮一浪拋雲  
入天半衆浪翻空濕銀漢碎轟打倒闌干前天跳地  
掉乾坤顛主賓拍手呼釣船定眼看來還不然只是

南北幾點山

送胡聖聞入太學

春風吹開孝廉舡撞星犯斗上九天夜書細字燈前  
月朝茹寒藜甕中雪何蕃省親間一歸陸暢擢第各  
一時以行歸來上親壽桂枝滿把香滿袖

程泰之尚書龍學挽詞

廟器圭璋骨儒林虎豹章章編漢輔嗣禹跡再平章  
月冷談經幄塵昏弄筆床西州何處路谿水咽梅鄉

右一

公憇江西節儂橫南浦舟相逢使金石一別幾春秋



聞訊頻黃耳歸休各白頭  
豈碑那忍讀未讀淚先流

右二

讀白氏長慶集

每讀樂天詩一讀一回好  
少時不知愛知愛今已老  
初哦殊歡欣熟味忽煩惱  
多方遣外累半已動中抱  
事去何必追心淨不須掃  
追歎欲掃愁自遣還自擾  
不如卷此詩喚酒一醉倒  
狂歌謫仙詩三杯通大道

送幼與子之官澧浦慈刊監稅

估人耕貨不耕田也合供輸餉萬屯  
若道厚征為報國厚民却是厚君恩

素王開國道无臣一牘春風放十人  
莫羨牘頭年十八日春過了有新春

題贛州重建思賢閣

趙公遺愛虎頭城直到張公續此声  
前趙后張俱可閤贛民不用羨西京

題張貢道院

江西道院賦金華近日當塗共兩家  
更著崆峒三道院只銷卧治醉鴛花

當塗号江東道院

與子上野步

簑落深々巷茅茨小小家  
冬晴好行脚何處不梅花



送贛守張子智左史進直敷文閣移師八桂

龍尾名臣進宝奎虎頭移鎮赴榕溪屈刀將帥迎牙  
纛解辦戎蛮貢象犀翠浪玉舡餘昨夢碧篆羅帶入  
新題鳳池雞樹公栖處早箇雲飛不要梯  
拋官九載卧柴荆有底生涯底友生白鷺鷀鷺隼屬  
玉青鞋布襪一筇簪贛江府主憐逋客尊酒綈袍薦  
故情天上故人今又去碧雲西望暮天橫

至后與履常探梅東園

雨後霜前梅欲開欲開猶懶雪風催一秋不到東園

裏從此朝暮來

兩朵三枝梅正新不疎不密最炊人花枝夾絰嗔人  
過絳脫老夫頭上巾

雨澀風酸悶却春光初暖倍精神天如一面青羅  
扇仰看橫枝自寫真

題永豐劉伯英雙清亭

銀河一派天上來霜松万本冰際栽公幹作亭占佳  
處攔住清風入牕戶醉餘綠綺膝上橫李得松声与  
水声更待九秋月亭午白玉壺中有新句煩君赤手  
雙拾取



寄題彭澤王尉名自適廨舍二境

不遇黃山谷那傳石橘林  
巖欺小孤頂影落大江心  
試听秋虫語如聞夜誦音  
梅仙僻嗜方此外更幽尋

右讀書巖

人道書岩好誰知石洞奇  
外繞一徑畫中忽万峯歌  
竅石天成屋泓泉鬼斲池  
弘中遠孫子宴喜又添詩

右潛玉洞

題湖北唐憲桂林義學

梅花五嶺八桂林青羅帶  
繞碧玉簪祥刑使者西唐  
裔親領諸生到洙泗七星  
岩畔築齋房獨秀峰尖作

筆床買書惟上天中央海  
表李士來奔地中州泝氣  
無間斷南北文星方炳煥  
君不見日南姜相曲江張  
萬古清風裂雲漢

除夜小鎮歡都下酥乳不至

雪非霜粒酌歲除也無牛乳也無酥  
貧中却富何人  
會自有村醪不用沽

辛酉正月十一日東園桃李盛開

十萬重山見復遮  
兩三点兩直還斜行穿錦卷入雪  
卷看盡桃花到李花

溪邊回望東園桃李



看花不合在花開外面看來錦一般每一園花三丈  
許紅花圍繞白花團

上元後一日往山莊訪子仁中塗望見莊  
裏李花

莊裏李花何似生山頭轉處最分明  
轎中舉首聊東望不見花枝見雪城

李花十里縱長圍漏出桃花片子兒  
千丈越羅初水凍中間一點凝臙脂

新安德安牡丹透根生孫枝皆千葉種也

即非接頭二月二日瑞雲紅初開晴曉起

看喜而賦之

日上渾遲在花乘絕早看精神百倍好風露七分寒  
夜宴醒猶醉晨粧濕未乾子孫更千億紫筩繞團栾

送俞漕子清太卿赴召

帝求耆旧憶吾公紫詔斜行下碧穹  
厲操蘭熏仍雪莹作民冬日與春風  
便登鳳閣鸞臺上小試雞翹豹尾中  
千載江湖訪民瘼一時傾倒沃天聰

自笑孤蹤霜葉輕官游何幸並耆英  
合符先後分江郡接武堯池綴月卿  
愛我從來兩膠漆與公別是一親情  
老身無用難提挈尚有兒曹累使令



謝江東耿漕曼老寄書并与沈侍郎唱和詩

朱雀橋邊旧使星五年火照大江明  
端能記憶誠齋叟千里書來訪死生

右謝詒書勞苦

碧落侍郎金作句瀛州李士玉為章兩君唱和君知  
麼箇是安期却老方

右謝唱和佳句

題王子宣主簿青山讀書堂

謝家青山李家據王家青山當家住上頭  
新作讀書

堂牙籤玉軸古錦囊萬夫攘臂儂掉臂萬事無味書  
有味時拖野菜煮一字兒草不須來染指

夏至雨霽與陳履常暮行溪上

西山已暗隔金鉞猶照東山一抹明  
片子時聞靈山弄色乍黃乍紫忽全青

夕涼恰：好溪行暮色催人底急生半路蛙聲迎步  
止一熒松火隔籬明

送子弟赴柳州史君羅達甫寺正之招

柳山奇變水青寫柳江幸繞柳山下韓秦妙語久絕  
弦誰煎鳳嘴續此篇君章詞客山水主雲錦聘君



好赴為尋兩公旧游處得句寄懷：不妬休道柳陽  
和雁無也曾避雪羅浮去

走筆謝吉守趙判院分餉三山荔子

吾州五馬住閩山分我三山荔子丹甘露落來鷄子  
火曉風吹作水精團西川紅錦無以色南海綠羅猶  
帶酸不是今年天不暑玉膚照得野人寒  
五年荔子上者名  
綠羅包

夏夜翫月

仰頭月在天照我影在地我行影亦行我止影亦止  
不知我與影為一定為二月能寫我影自寫却何似

偶然步溪旁月却在溪裡上下兩輪月若箇是真底  
唯復水似天唯復天似水

夏夜月下獨酌

誰道今年熱今宵分外清竹風秋九夏溪月晝三更  
此景天慳與無人酒自傾明朝火織上別作一經營

右一

月忽雲遮却雲遭月輒翻斬新燈世界特地玉乾坤  
兔舞催詩白蟾醒笑醉魂姮娥且莫睡照管失金盆

右二

謝蜀帥劉仲洪尚書龍學遣騎詒書之惠



紫衣將軍打門來雲錦書從錦水回箇是國西天一  
粒早歸斗下位三台致身將相黑頭在憐我渙樵青  
眼開舊日雪山寒刮骨祇今移取上春臺

足痛無聊塊坐讀江西詩

兩足偏雲水羣書久經絲却因三日痛理得數篇詩  
不借復高桂毋追一任歌老來非愛病不病亦何為

夏夜露坐

火老殊未熟雨多還自晴暮天無定色過鳥有遺聲  
坐久人將睡更深月始明素娥欺我老偏照雲千莖

右一

山翠都城黑天黃忽復青月肥過半壁雲瘦不遮星  
瓦鼓三四隻村醕一兩瓶人皆笑我醉我独笑渠醒

右二

嘉定元年春三月男長孺編定  
端平元年夏五月門人羅茂良校正



誠齋集卷第四十

廬陵楊 萬里

廷秀

詩

退休集

讀貞正觀政要

拔士新豐逆旅中懷賢鴨水波東酒傾一斗為肩客  
醋設三杯羊鼻公綠

七月十一夜月下獨酌

今歲秋陽曠人死今宵秋月呼人起月光如水澡吾  
体君色如霜凍吾髓老夫畏熱如於菟平生愛月如



冰壺望舒可容不可孤  
麴生可親不可踈  
更招玉兔金蟾  
同酌山杯  
煮澗蔬  
來朝秋陽再作惡  
今夕秋光且行樂  
遮莫參橫并月落

月下聞笛

天色鎔成水  
蟾光鍊出銀  
碧香三酌半  
玉笛一聲新  
小婉還清壯  
悲歡忽苦辛  
何人傳此曲  
此曲悲何人  
中元日早起

欲借微涼問萬松  
萬松自契許無風  
清晨秋暑已如許  
那更斜陽與日中

露坐戲嘲星月

東生定西歸  
月豈不識路  
何須債長庚  
夜々引行步  
星住月不行  
星行月不住  
無人問阿姊  
此事竟誰主  
不知聽金蟄  
無乃由玉兔  
來夜偷此星  
看月歸何處

蓮子

蜂兒來自宛溪中  
兩翅雖無也是虫  
不似荷花窠底  
蚤方成玉蛹  
未成蜂

秋暑午睡起汲泉洗面

木桶双擔新  
井花松盆滿  
馮莫留此刺頭  
蘸入松盆底  
不是清涼第二家

久旱禱雨不應  
晴天忽落數点



烈日秋來晒殺人，青天半點更無雲。  
忽傳天上真珠落，未到半空成水銀。

秋日早起

雞鳴鐘未鳴，不知鄉晨否。  
起來恐驚衆，未敢忽啟牖。  
殘燈吐芒角，上下兩銀帚。  
定眼試諦觀，散作飛電走。

晚飲

大醉或傷生，不醉又傷情。  
此事兩難處，后先有重輕。  
醉后失天地，餘生底浮萍。  
愁城不須攻，醉鄉無此城。

送陳壻履常縣丞之官泰寧

玉潤非冠玉，東床忽易東。  
一官新立樣，五字居山風。

后

明月來宵共清尊，何日同看君即飛兔老。  
我自冥鴻

送羅仲仁試藝南宮

紹興庶吏誰第一，君家即罷真无匹。  
腰纏墨綬不請錢，妻啼兒號窮刮骨。  
清无一人知有天，知四因三个攀桂枝。  
不應一箇獨見遺，今秋君与一鷄飛。  
君不見吾州狀元晚得意，董公五十有三歲。  
君今加渠更三年，春風射策君勉旃。  
君之父兄亭為水東安令秩滿有俸錢千餘緡未得委之而去

古風送劉季游試藝南宮

西溪先生劉夫子，箇是國士天下士。  
家庭孝友春裏風，義氣寒高秋后水。  
良齋薦書叫九閩



重華表裏上半天人寬有德却无位天報芝蘭滿階  
砌諸孫箇箇九鳳雛此即軒千里駒槐花再登鄉  
老書苑花一朶化龍魚堂上雙親黑頭在日喚子孫  
倚門待綠衣錦上千載觴歲还成西溪讀書債

送庐陵宰黃伯庸赴召

君寄梅花道別腸我扳官柳送歸艎東都循吏似名  
茂南浦詩人更姓黃白鷺青原留惠愛蒼苔紅藥入  
篇章故人若問誠齋叟化作沙鷗弄夕陽

同刘季游登天柱岡

两个胡床小憇坐一枝筇杖拄傾斜烟雲慘淡天將

雪風日荒寒梅未花人去客來沽酒市雞鳴犬吠野  
人家清游不用忙歸去強管行程是暮鴉

我行誰與報江楓旋擺旌旗一路紅朔吹崩騰危兩  
耳東山踊躍獻諸峯松陰好處皆亭子瑤草香邊即  
坐狹漸陟漸高元不覺忽然身在半天中

穿青度碧白雲中山正奇時路忽窮引道老農辭我  
去與君更上最高峯

偶然乘興上孱顏若待偷閑何日閑脚力到時皆我  
有不須更問是誰山

夜飲



夜飲空齋冷移歸近竹爐酒新今晚醉燭短昨宵餘  
紫蕨椽來大黃柑蜜不如醉中得五字索筆不能書

右一

飲酒無奇訣且斟三四分初頭只嫌淺忽地有餘春  
身外多少事燈前子細論絕憐青女老忍冷撒瓊塵

右二

不睡

夜永無眠非為茶無風燈影自橫斜擁裯仰面書帷  
薄數盡承塵一簞花

望后更浮月未明暗蛩凍得總無聲閉心幸自清如

水萬感還從不睡生

清愁無數暗相隨酒是渠讐也是媒醉裏不知何處

驪等人醒后一時來

既睍淖如病起初冬烘又似酒醒餘睡鄉幸有閑田  
地不放詩人儻一居

醉吟

十載人間樂與憂幾曾半点到心頭梧桐葉上秋無  
價蟋蟀聲中月亦愁暮角曉鐘何日了蒼顏華髮此  
生休吟顛醉蹶知無益利走名奔有命不

三春草，眼中過未抵三冬樂事多燭焰燻了紅再



合酒花半蕾碧千波孤寒霜月儂相似跌宕風雲誰  
柰何道是閑人沒勲績一枝樵斧一漁簑

烏柏燭

白焰光寒淚亦收白燈十倍蜜灯休忘情也似誠齋  
叟燒盡心時不淚流

送士文伯上舍歸豐城兼簡彭侍郎

碧落原生少可人銀鈎繭紙若稱君談間口吸西江  
水句裏家傳南浦雲千里端能來命駕一尊得與細  
論文還家剝草三千牘看策平津第一勲

題曾良臣思堂

曾尉良臣迎母王於樂氏母許新居成即歸於  
是築第高沙母欲遷而逝乃虛中堂榜之曰思

求詩為賦四韻

謙墅新成了潘輿竟不歸升堂仰遺像下拜泣沾衣  
反哺烏何在卧冰魚自肥夢中環佩響驚喜覺來非

送彭子山提刑郎中赴召

帝想丹青憶老成公兼竹潤更蘭馨獨追洙泗人無  
訟再使成康世措刑召節自天回使節即星朝斗作  
台星花邊獨坐黃昏句剩寄江西白鷺汀  
瓊樹初瞻二紀中玉京再別一星終我隨病鶴歌黃



帽公駕雲龍上碧穹寄徑絲綸紫薇閣押班冠劍大明宮錦園尚欠挑栽否兒輩河陽待曉風

送族弟子西赴省

吾家詞伯達齋翁阿季文名有父風筆陣千軍能獨掃馬蹄萬古洗來空嘆予還笏歸林下看子乘舡入月中淡墨榜頭先快睹泥金帖子不須封

寄題福師張子儀尚書禊遊堂

子儀之祖全真參政紹興初元為福師於三山城西外南湖上作堂名禊游以為邦人修禊之地後去六十年子儀師福再新此堂自作記以

書其事以石刻示予因寄題七字

祖孫接武禊堂前風物重新六十年無恙釣衡旧棠蔭有光台斗繼蒲鞭手提西郭三山月下照南湖萬頃田不要外人來作記當家自有筆如椽

南溪弄水四望山園梅花

梅從山下過溪來近愛清溪遠愛毒溪水聲、留我住梅花朵、喚人回

火閣午睡起負暄

火閣紅銷雪尚香睡魔引我入渠鄉覺來一陣寒無柰自掇胡床赴太陽



黃菊<sup>霜</sup>殘枝已懶殘  
瑞香紫笋政團栾  
盆池影裏看題  
壁上字還成一字看

晒衣

亭午晒衣晡  
褶衣柳箱布  
襟自攜歸妻  
孥相笑還相  
問赤脚蒼頭更阿誰

讀張文潛詩

晚愛肥山詩自然  
何曾綉繪更凋鐫  
春花秋月冬冰雪  
不聽陳玄只聽天

山谷前頭敢說詩  
絕稱漱酒掃花詞  
浚來全集數渠  
見別有天珍渠得知

壬戌人日南溪春景

坐看青天起白雲  
化成龍子鈿銀鱗  
霎時塞得青天  
滿只見龍鱗不見身

春暖溪暄出小魚  
沉浮上下巧相娛  
一跳一浪錢來  
大開作瑤環忽丈餘

翡翠驚飛不作行  
沙鷗亂下自成雙  
一天霞綺沉波  
底便是西川濯錦江

雨后至溪上

夜雨無端忽曉晴  
南溪便長半篙清  
斜衝亂石雪霜  
碎快瀉深波金玉聲  
慢處回頭縈作漩  
急邊敗眼不



留行李成觀者如何画却是詩中画得成  
寄題太和宰趙嘉言勤民二圖  
歲、桃花水到時野舡客子命如絲趙侯小試濟川  
手雪浪翻天不濺伊

右題逋濟渡舡圖

半山辱国賣叢祠鍾步諸坊卷酒旗村裏山農語奇  
好孔方兄已赦鴉兒

右題停罷坊場圖

上元前一日遊東園看紅梅  
欲折紅梅朵看来不忍攀週迴尋四處恰得一枝繁

又

偶看紅梅到小園憑欄送眼過前村山頭茅屋隔孤  
樹籬外行人出半身

兒牽黃犢父擔犁社鼓迎神簇紙旗不是豐年那得  
此今春大勝去春時缺一句

南溪薄晚觀水

誰將沙磔壅隄斜水怒衝隄自決沙無數小魚齊亂  
跳琉璃盤底簸銀花

溪邊月上

正月十四夜如何月便團似知吾輩出預借上元看



片子黃金餅看來只管高忽然落溪水雜碎作銀濤

同才翁弟游東園

東園<sup>花</sup>老經半莓苔老子多時不到來一卷江梅都落盡祇今開底是紅梅

近故太師左丞相魏國文忠京公挽歌辭  
孝廟深知已今皇正宰官一言能定國二聖得重權  
立鄴山相似容人海未寬至今死諸葛虜使膽猶寒

右一

鎮蜀復清猷回天丹子明何曾動声色一笑付權衡  
臨絕緣憂國平生不近名中興墮相傳日月奪光精

右二

栢府公我身荆溪我把麾聞風無半面折簡兩相知  
偕椽膠投漆分襟雲與泥樓成扁山浦洒淚一題詩

右三

近故魏國夫人盧氏挽辭歌  
胄出開元相賢稱魏國嬪祇教紀彤管不見轉鴻鈞  
瓜葛春風裡蘋蘩南澗濱古今書列女仁孝幾何人

右一

唐代崔家母升堂乳阿姑言吾報婦孫孝婦如吾  
此段前無古夫人獨與俱祇看秦國語更恐李唐無



右二

素節勤仍儉清風冷似冰秋衣益光布夜績敬姜灯  
拱木霜何早同莹雪政凝即君一夔足再看九霄鵬

右三

東園探苑李

偶逢一徑李花開從此東園日日来更約李花同折  
好紅、白、兩相催

有花無葉也孤寒有葉無花叶一般最是桃花饒態  
度醉紅嬌綠惱人看

李花

李花宜遠更宜繁惟遠惟繁始足看莫學江梅作踈  
影家風各自一般

春晴

日透微風暖風柔嫩日佳祗知翫苑李不道落梅花

寄題太和丞公沈君公館亭臺四詠

蒼髯秦大夫瘦骨孤竹君主人似二子二子似主人

右真清亭

秋月弄長江平地点遠岫贊府詩句中字、江山秀

右特秀亭

紅雨未隨風白雪忽滿枝紙今當正月尾政是斷腸時



右成蹊亭

庭散紙尾鴛鴦聚案頭螢無端循除水也學夜誦聲

右讀書堂

寄題分宜李克明上舍高居二詠

想見謫仙商峯簾復眼寒雲山千疊碧飛舞入欄干

右不觀雲山樓

一鳳領四雛夜作吾伊聲梧桐高拂日好去瑞光庭

右東塾

春寒

風日晴暄一併來桃花告報李花開待君減盡衣裳

子<sup>了</sup>夜色<sup>半</sup>春光<sup>寒</sup>特地回

和張寺丞功父八絕句

約齋太瘦古仙真寄我詩篇字新受業陳三能幾

日無端參換謔仙人

古來官職如詩篇二物雙違不肯全君被詩篇折官

賊如何又寄一新編

與子相望天一方有書无使債誰將歸鴻欲下还飛

去不作書郵有底忙

金華不敢比東坡此後東坡尔許多擾<sub>二</sub>曾中百周

孔不愁柳<sub>二</sub>笑人何



問訊南湖作麼生日撞金玉奏英莖無人打殺淨飯  
子放出渠頭七步行

新歲南湖春又濃海棠舊入我詩中別來君有相思  
字寄與江西花信風

湖邊花底日論詩再要尋盟今日違道是鶯啼无點  
淚教鶯聞此也垂淚

新當湖山我與公問公別後却誰同一生海内金石  
友万事人間牛馬風

謝襄陽帥楊侍郎用輓軀體

合志同宗憶嗣清尋盟繼好感難兄閑西伯起今夫

子後世子雲垂笏經金雞銀鉤語妙墨貂裘五札寄  
交情本朝未有楊家相留符公歸兩三星

王式之直閣不遠千里來訪野人贈以佳

句次韻奉謝下缺文



嘗茶糜酒

子與客嘗茶糜酒客求其法因戲荅之  
月中露下摘茶糜酒銀餅花倒垂若要花香薰酒  
骨莫教玉醴濕瓊肌一杯墮我無何有百罰知君亦  
不辭勅賜深之能幾許野人時復一中之

劉季澄投贈新詩

君操筆來啟新畬耕編西溪萬卷餘藜杖芒鞋來得  
得柳風花雨政疎是家人物孫如祖驚代詩文我  
愛渠努力收科無早晚不須灯下獨長噓

錢洪帥張伯子華學尚書移鎮京口



周家天球粒一隻張家今有隻白壁前稱紫薇後文  
昌衙官二陸僕兩唐金章玉句送清鏘天孫雲機織  
錦囊松心竹節爭老蒼冰壺水鏡明秋霜君不見于  
湖先生掌綸綍二典三謨終一筆君不見篤素先生  
立朝端五臣十亂半武間聽履星辰踐台斗翻身鳳  
池屈伸肘夢入飛雲捲雨簾袖却築巖作霖手滕王  
閣上唐阿舒春生秋殺震江湖吏部未見張尚書春  
生儘有秋殺無江西十州百萬戶父非姓召母非杜  
也祇周人兩句詩豈弟君子民父母又去南徐作好  
春落霞秋水亦眉顰南徐父老錯欣々玉皇催渠轉

鴻鈞

春雨不止

無計奈何春日長寧予介紹謁羲皇蟻繭問陣天又  
雨蜂欲春粮花正香  
春雨如毛又似埃雲開還合々還開怪來春晚寒如  
許無賴桐花領取來

踏青

水換溪々玉花呈嶺々春秧田暄處蚤茅屋補痕新

寒燈

老穉都眠我独醒寒燈半点伴三更  
雙花忽作蜻蜒



眼孤焰仍慙玉胆瓶

雨後獨酌

清明未到未和柔過了清明春又休  
燭下看花偏有思醉中聽雨也無愁

瓶中淮陽紅牡丹落盡有歎

只愁風雨妬花枝剪入瓷瓶養却伊  
更下重簾深閉閣忽然花落又閑誰

眼中姚魏過匆匆只有淮陽打底紅  
杜宇一聲花睡醒却教老子怨東風

又是明年看牡丹未聞芍藥怯春寒  
落英滿地不須

掃一片萼紅也足觀

寄題龍泉李宗儒師儒槐陰書院

龍泉二李繼謫仙朝議朝散相後先  
鳳雛二妙繼乃祖宗儒師儒賢弟昆  
手種槐樹槐今幾年日茹葉淘呻  
斷徧陰似王家三樹綠異時官職追前躅  
花作唐人八月黃來歲能書催行裝

李師儒上舍稽古堂

青楓金利依然在黃石圮橋元不改  
只有謫仙稽古堂兵燒水毀草樹荒  
二大夫家有孫子去珠復還堂復起  
朱甍碧瓦掃金波牙籤玉軸柱銀河  
山鬼吹灯



听夜誦秋兔猷頴供晨哦向來一李名父子今來二  
李佳兄弟鶴鷓雙去集上林李家大夫看二二

嘉定元年春三月男長孺編定

端平元年夏五月門人羅茂良校正

誠齋集卷第四十

誠齋集卷第四十一

廬陵楊萬里

廷秀

詩

退休集

初夏即事十二解

蓮葉頭巾道樣裁仙桃扇子午時回撲蠅  
隨地猶能旋閉閣生塵向底來

瑞香端合譜離騷有子傳芳韻亦高失却薰籠紅錦  
帔化為矮樹紫櫻桃

百日田乾田父愁只消一雨百無憂更無人惜田中



水放下青溪恣意流  
從教節序暗相催  
曆日塵生懶看來  
却是石榴知立夏  
年々此日一花開  
檻中紅藥趁春歸  
筍裏苛留三四枝  
一片落來能戀我  
葉稍閤住不教飛  
蜜有花紅綠刺長  
似來作伴石榴芳  
金櫻身子玫瑰臉  
更與錫枝蜜果香

玉磬金鐘天半鳴  
夢中驚我起來聽  
萬松花上三更雨  
政有堂中有此聲

東渚西陂萬馬奔  
浪花吞盡舊波痕  
山童莫掃中庭

水要寫錢々兩點文

更無壹個子規啼  
寐々空山花自飛  
啼得春歸他便去  
元來不是勸人歸

柳外花稍啼亂鶯  
行人過盡不曾聽  
得人聽處君知麼  
天欲明時第一聲

狹斜只解賞春紅  
秋菊冬梅不負公  
我道四時俱富貴  
枉催換藕花一家風

王家塵柄綠瓊香  
萱草偷來柄更長  
藏却柿紅纓掃子  
菖蒲節裏放風光

詩酒懷趙德莊



日日張三影今時趙半杯誰將牌印子燂過艸廬來  
一代風流盡餘年髮髮催愁邊對詩酒懷抱向誰開  
趙德莊每對客不淪茗必傳觴半杯笑謂客曰  
某名趙半杯君知否余老病不能飲半杯故云

紀聞悼旧

莫說湘南寺令人絕痛渠中間緣國論偶似絕交書  
衫短枯荷葉墻高過筍輿人生須富貴富貴意何如

郭母孺人李氏挽歌辭

李郭俱名族華姍合兩家藁砧巾角雨郎罷筆頭花  
樹秀庭双玉蓀榮砌萬芽半生冰雪節再賦白山茶

七字敬餞周彥敷府判直閣之官虎城

碧落仙人出作州青原詩伯佐承流江山得助催新  
句風月平分入勝游清獻瀟溪兩賓主崆峒章貢再  
賡酬舊時綠水紅蓮客南望旗幟已秋僕五十年  
前為顛掾

端午前一日含笑初折

一點瓜香破醉眠誤它酒客狂流涎如何滴露金心  
李化作垂頭玉井蓮初喜曉光將莞爾竟差午影不  
媽熊忽看吐下金櫻核款款聲乾暮葉邊

端午獨酌

招得榴花共一觴艾人笑殺老夫狂子蘭赤口穰何  
益正則紅舡看不妨團糗明朝便無味菖蒲今日麼



生香一生幸免春端帖可遣漁歌譜大章

送吉州通判趙德輝上印赴闕

太守九秋霜通守三春風太守鏡照胆通守淵涵空  
古來人不在寒士皇家人才在宗子君看二趙作廬  
陵寬猛晦明兩相濟太守已乘八使車通守合分五  
馬守行看二趙俱法從老夫別獻中和頌

暑中待雨小酌

火傘朝張暮復張若教無月底葉禁當隔林欲上老先光  
漏窺戶無多氣已涼万里無雲天似水一奩新鏡色  
如霜廣寒宮裏應無酒挽住姮娥勸一觴

夏日小飲分題得菱用轆轤體

不是齊堂敲鯨生如何雙觥獨崢嶸犀中忽有紅尖  
角天上也無甜底冰只愛衣裳桃李古淺誰知肌骨雪  
霜明酒徒苦問渠名姓無姓無名字子陵

移床

清晨暑氣已愁予何況暘虫午及晡尋得松風小涼  
處移床來坐又還無

午睡起

永晝能不倦亭午思小睡竹床熱如晒展轉竟無寐  
起來搔白首百匝繞簷際政當眊矐中忽有一奇事



一風北戶來穿度南窓外  
窓外蕙初花披拂動香氣  
老夫得一涼洒然有生意  
來日當此時未知復何似

送章漢卿歸宣城

竹葉孤斟久梅花遠信疎  
如何窮巷轍忽在故人車  
伯仲俱佳士雲霄政望渠  
相從又相別欲別重躊躇

夏夜喜雨

聽雨初假寐還成睡著休  
夢中簷奏樂夜半簟知秋  
今歲應須熟餘生有底愁  
無人知喜事課僕織新葛

題長沙鍾仲山判院岫雲舒卷樓

天柱峯尖半點雲散為岳麓  
橘洲春尽供詩客掉毫

裏怪底春空態度新

入夜雲來宿雨窓明朝雲去照三湘也知遠岫無人  
出解后為霖亦不妨

立秋日聞蟬

老夫薰人欲破頭喚秋不到得人愁  
夜來一雨時秋至今晚蟬聲始報秋

二含笑俱作秋花

秋來二笑再芬芳紫笑何如白笑強  
只有此花偷不得無人知處忽然香

秋夜極熱



只怨西風不早歸  
暑歸何似且歸遲  
姮娥一夜搗團扇  
更說明朝日午時  
秋神今歲也痴  
欲行李如何草  
回白帝羽衣渾不  
帶炎官火傘却將來  
葵扇頻揮手已麻  
竹床偏熱冷無些  
面凉却感鬚根汗  
省得開門汲井花

題安福劉虞卿敏齋

君不見杜家阿宜  
開雪牕日讀十紙  
月一箱君不見  
崔家阿立染霜兔  
暮作千聲朝百賦  
讀書甚北郊金  
刀齋中不種李  
與桃滿地只種書  
帶草黃金非寶書

為寶即若玉樹臨風前  
咀嚼青竹夜不眠  
何須多羨崔與杜  
諸郎努力青雲路

九月三日喜雨蓋不兩四十日矣

玉帝怒聞旱雷  
公怒見鬚披龍  
無軀處倒海  
不宜餘稻裡雲  
初活蕎梢雪  
再鋪老農啼  
又笑欲去且安居

謝蘄州史君張子儀尚書贈衣服送酒錢

香山老益妻欲賣  
完與田荆南贈春服  
侍中送酒錢何如  
章蘇州一日兼兩賢  
酒錢隨春服併至  
南溪邊寄物已不  
輕意更在物先僕  
也拙生理巧亦營  
不窮病廢非為高  
地官十餘年紙田  
蝸牛廬縱賣誰作  
綠



故人豈云少哀、青雲端王弘不可作范叔空自寒  
忽憶蘓州書冷意回春暄急禡九月錦徑追八酒仙  
竹煙為我喜波月為我妍籬菊凍不花一笑亦粲然  
醉中化為蝶飛墮虎立山齊雲已在眼瞥然遠于天  
南溪僕所居村名竹煙波月用來教語

九日招子上子西嘗新酒進退格

但合有酒對籬東管得山名不是龍榨裡潑醅迎節  
裏雨中移菊自城中多時不飲今醉醉一笑相惟古  
罕逢我輩明年當更健不須子細看萸紅

九日菊未花

舊說黃楊厄閏年今年併厄菊花天但按青蕊浮新  
酒何必黃金鑄小錢半醉嚼香霜月底一枝却老鬢  
絲邊阿誰會得閑遲意暗展重陽十月前

寒雞

寒雞睡着不知晨多謝鐘聲喚起人明曉莫教鐘睡  
着被他雞笑不須喚

南溪上采芙蓉

夾水芙蓉密、栽綠溪斜立照溪開放將千里紅將  
去不盡溪流不要回

晚看芙蓉



兩歲芙蓉無一枝今年萬朵壓枝低半紅半白花都  
放非短非長樹斬齊臨水醞粒新雨後出牆背面曉  
風西春英笑殺秋英淡祇恐濃於桃李蹊

瑞慶節日同王式之譜雲際寺滿散

金刹深藏翠嶽間鐘聲吹下白雲端誰知東浙能詩  
客也到南溪祝聖山重碧青池染衣濕輕紅香霧襲  
人寒祝君來歲千秋節着脚舍元鷓鴣班

寄王用之判府監簿

兄弟

寅清堂上初相識君如玉樹逢春碧滕王閣下重相  
從君如天驥追秋風九州四海王魯公有子不減漢

八龍君才况是廊廟具登庸衣鉢親分付笋班小試  
雲霄步川毫妙琢湖山句君不見西華韋家父子間  
阿成官賊似阿賢皇朝呂家也不惡大申小申相後  
先看君一武追韋呂奄有龜蒙再封魯

王式之命刘秀才寫予真因署其上

溯水東兼溯水西千岩万壑恣遨嬉遊山粒欠金華  
債乘興今隨王式之

以雨妨於農收因訪子上有歎

君能過我意如傾我每看君脚便輕若為泥塗斷還  
往端令老病底心情未霜楊柳秋沈碧既水芙蓉晚



更明早歲嫌晴不嫌熱今年教熟不教晴

益公題三老圖

郡士劉訥以乘成兄生于己巳而予丙午誠齋  
丁未寫三老圖為題四韻

同辭官路返御間兩驢驢中間以駕前後顧瞻羞倚  
玉支干引泛偶連珠三人不必邀明月九老何妨續  
西園泛漢二疎唐尹後相親相近此應無

誠齋題三老圖

劉訥敏升秀才寫乘成先生平園相國及予為  
三老圖因署其後

旦與行間着李真黃冠不合附青雲二南風裡若知  
麼添個委蛇退食夫

劉君寫照妙通神三老圖成又一新只道老夫同傳  
好被人指點也愁人

南溪堰灘

為愛南溪箭樣流戲地亂石障青潤忽如血又撞玉  
斗又似仲尼鳴象環然北移南教儘怒從朝至午不  
知還便饒灑灑三已峽也當龍門八節灘

至後入城道中雜興

至後寒梅未苦煩臘前暖蝶已偷還隔林日射池光



動碎却池中倒影山  
大熟仍教得大晴今年又是一昇平：：不在蕭詔  
裡只在諸村打稻聲

問渠田父定無飢却道官人那得知未送太倉新玉  
粒敢先雲子滑流匙

畦蔬甘似卧沙<sup>羊</sup>正為新經幾夜霜蘆葍過拳菘過  
勝北風一路菜羹香

長亭阿嫂短亭翁採借桃花作面紅酒熟自嘗仍自  
賣一生割據醉鄉中

豈年物：：總欣懽不但人和畜亦蕃鼓處金膚肥羸

母春餘珠屑飽雞孫

山路肩輿倦僕夫家兄為我酒頻沽賣薪人散知城

近歸柳鳥忙覺日晡

誰練茗花作雪茸更將楓葉染猩紅姮娥不認推青

女青女又還推化工

忽見輕綃三兩重橫遮萬丈翠屏風老夫細熨鬢鬆  
眼却是青原隱霧中

春時宿處雨浪：：至沒重投張氏莊際晚烏雲何許  
買夕陽特地忘寒暄

歐陽伯威挽詞



酒魄飛穿月詩星流入脾豪來無一世貧不上双眉  
瀘水奇唐律香城賞楚辭前身定東野又得退之碑  
益公作誌銘

題東江劉長元勤有齋

蠹簡三更寐寒灯半点醒不知門外雪已失月中山  
白麀非愁禹黃金只鑄顏時來漫拈出掇取桂枝还  
謝水新大夫楊叔裕惠詩

今代吾家後子雲新詩也解乞聲陳人銀河波浪滄  
滄玉花果風光字春大勝十年灯火續更無半点  
簿書塵鵝章塞得公車破便合留渠立紫宸

寄袁起岩樞密賀新除仍謝送四鱣并詩  
集兼懇求陳瓘薦書

樞相身通貴恩書意轉親四端香雪殼一卷錦江春  
公即專堂印儂方理釣緒五公今果六詩識也如神  
僕旧有詩寄樞密云回世行看五公  
知己熙鴻化陽和被九臯自怜今老病無分惱釣陶  
獨念東床客猶沉左選曹春風半張紙立地作耳教  
朝士謂宣教為宜教

再入城宿張氏莊早起進退格

夢覺月如晝誤驚天欲明起吹松葉盡自点白花灯



山轎已十里譙門終四更脚跟豈無火鬚土也成冰

與次公夜酌

湯盃深淺任橫斜酒力微醺略  
此剪燭小童殊解事不留燭燼却留花

不寐

脚底神通也自強三更報我有飛霜人言冬夜長如  
歲不寐方知夜不長

謝

君才陸海與潘江句裏寒方丈長雪梳冰甌翻筆  
墨錦璣綉段出肝腸王家龍鳳重英特謝砌芝蘭自

耿光相國登庸衣鉢在郎君努力續前芳

寄題張縣尉敬之南昌官寺重新子真祠堂

梅郎絳節朝玉臺朝游五城暮九垓遺民香火蒼遺  
爰何年祠屋荒蒼苔劔津詩客子張子住持仙壇判  
山水上書台斗大居士作緣水漕皇華使二臺併檄  
孔家兄徑姑新詞子日成西山南浦作賀賓野梅官  
柳侵帷聲

送趙吉州判院器之核路提刑

趙侯邁往隆準孫未年五十專三城千里秋毫無遁



情兩眼洞照如秋鷹何須奮髯走百吏棠陰晝寂清  
如水年々人喚賤米俵子踏歌凍黎喜去冬苦暖  
未有梅使君一笑梅花開夜吹平地一尺雪留下豐  
年今歲回使星一照天西去白鷺青原遮不住即隨  
丹詔歸握蘭遂持紫橐甘泉班

雨中入城送趙吉州器之

拂溪楊柳縷生金攔路山礬香殺人不是衝關過行  
客外頭放過若干春  
村店農忙半不開入城客子去還來阿耶烏傘兒青  
笠賣却松柴買菜回

宿城外張氏莊早起入城

燈火頻挑只管殘雨聲終夜惱空山幸蒙曉月多情  
白又遣東風抵死寒  
破郡無雞報五更只將覺夢當雞鳴匆々上却籃輿  
子隔壁人家政睡聲  
眠雲跂石十餘年回首拋官一瞬間送旧迎新也辛  
苦一翻辛苦兩年閒

次公秧滿來歸偶上已寒食同日父子小

酌

又是一年修禊時何須曲水泛金卮遍嘗衆酒少亦



醉坐到三更眠未遲上已巧當寒食日春風慳放壯  
丹枝白頭父子燈前語忘却江湖久別離

送金九度教授辭滿赴部改秩

金華唐呂兩儒先夜半黃梅啟併傳不日經筵坐重  
席暫時官舍令無毡引班曉漏槐楓裡出宰春風桃  
李邊莫遣垂楊知別恨一篙新漲解歸舫

野望

也知口業久消磨造物嗔人奈口何莫管詩人例寒  
餓且容老子小婆婆

野童擷菜踈移步客子追程有底忙茅屋破時偏入

画布衫洗了晒枯桑

瑞香盛開呈益国公二首

近看丁香萬粒攢遠看却與紫毬般誰將玉胆薔薇  
水新濯瓊膚錦綉禪淨界薰修雨芬馥無人剪剔自  
團栾下元前至上元後省得麝沉与麝蘭

針來大笋束仍攢作麼開時色兩般荀令金爐炷沉  
水昭容紫袖襯中禪同花異葉枝、異一種栞枝節  
、栞雪裏寒香得三友溪邊梅與畹邊蘭

余處恭少師左相鄒公挽詞

上睭臨三極維師正百工忠清兩楊綰誠一再温公



衝岳摧天柱明堂失棟隆初元得名柱不待卦非熊

右一

孝庙乘乾日光宗宅震宮夔龍池集鳳高綺翼黃鴻  
初政扶皇極三朝抗大忠暮年坐黃閣萬古一清風

右二

天下非無士胸中自有人如何初拜相首荐一遺民  
思我丘山小懷公骨肉親白頭哭知己東望獨傷神

右三

寄題龍泉項聖與瀘溪書院

三顧先生得麟筆付囑遺經得誰第一獨

將麟髓飲澹

翁項家阿賢亦其乙澹翁孤忠貫兩儀阿英卓行徽

九扉旌門一日揮天半却把冰筆傳阿宜阿宜阿因

續乃治瀘溪書院聲無價不論當家與外人不日天

池有渾化

志簡胡先生與項德英同師蕭子荆先生傳春秋學蕭先生自號三顧隱客

送西昌大夫趙嘉言上印赴闕

西昌難作音自古傳卓令趙令不作難二令來時氏  
頓寬二令去日官餘載從來美政人難繼二君復美  
今誰似卓令已作中都官趙令也合即綴卓令班

山茶

樹子團團映碧岑初看喚作木犀林誰將金粟銀絲



膾簇飴 朱紅菜碗心春早橫去 招飛李如歲寒不  
受雪霜侵題詩畢竟輸坡老葉厚有稜花色深東坡  
詩云葉厚有稜犀甲  
但花條少態鶴頭丹

夙興待旦二絕

覺後難重睡醉餘還獨醒東意不肯白挑盡一灯青  
村裏無銅漏金雞管報更百聲猶未曉却等第三聲

癸亥上巳即事

怪底風光好還當上巳辰柳鶯樊素口梁燕趙家身  
花落春容瘦陰濃夏意新晒書仍憶藥幽事也勞神

登度雪臺觀金沙茶蘼

金沙餅子茶蘼粟一：尖紅映園綠只銷三日雨和  
風化作真珠堆錦褥繞梁飛度雪前開：了却吹香  
雪來紅：白：照天半醉倚瑤闌眼凌亂

古風敬餞吉州梁史君

南方儒先固三山：中豹蔚推拍鸞手拏披桂下廣  
寒身作德星南斗間治行第一聞九閩再分魚書朱  
兩幡豐湖夜猷波光門螺浦晚酌六一泉露冕暮月  
惠化傳清原改色白露妍白叟鼓腹黃童顛麩生打  
開禁酒闕雲子湊集移粟船向來醉人踈一端如今  
醉人橫路眠湍城米賤酒更賤盡道人間有二天如



何癖爰香火緣三章叩閣覓散仙定知不晚當賜還  
金貂玉佩香案前

古風敬餞都運煥章雷吏部祇  
召入覲

高帝中興社稷臣紫岩先生第一人來從紫岩住紫  
蓋鴻鈞轉作湘中春風流人物被草木香滿橘洲連  
岳麓一時賓客盛鄰故明月夜光和結錄雷家夫子  
龍鳳章復入其室并其堂朱幡玉節偏南紀錦帳綾  
衾推望即使星下照翼軫旁西山南浦回風光渠儂  
別有經世具袖却兩手惟深藏玉皇喚渠登廟廊小

却猶在持藁行野人亦忝同門者久挂衣冠卧林下  
病身只合釣煙波鬼革猶堪累甄冶

子年劉郎高余老貌求資

鬢少梳欲無髮短鑷更少搔鬢祇堪髭覓白何日了

暮行田間

布穀聲中日脚收瘦藤叫我看西疇露珠走上青秧  
葉不到梢頭便肯休  
水滿平田無處無一張雪紙雨中鋪新秧乱掉如斗  
字却道山農不解書

清曉趁郡早炊幽居延福寺



小轎款還正荒蹊細又紆危峰上金鏡遠草亂瓊珠  
霧裡鐘聲近花梢殿脊孤老僧知我冷展席傍紅爐

午過烏東

陰盡逢初坦寒輕日向中稍雲遲雨碧蒼雪早霜紅  
五日再行後二年三鞠躬只言棄官久却與在官同

晚宿小羅田

青林化作萬黃金落日光寒色却深似看松梢數松  
子不妨更與數松針

倒盡菰蒲朽盡荷芙蓉臨水恨無多一枝却有兩花  
影東卧斜陽西卧坡

瀟洒低々屋虛明小小窓客閒那得許窓外更寒江

其一

白酒聊三琖青灯飲二更倦來乘急睡過了睡難成

其二

後一日再宿城外野店夙具入城謂益公  
吹灯覽鏡不忽々烏帽新時白髮空殘月忙追曉星  
上飛霜先到轎窓中如何五鼓寒十倍不肯半分饒  
一翁到得火輪相暖處山扉特地碧朦朧

歸途未信欲斜陽只怪行人影轉長松壽已高猶疑  
髮楓年方少更紅裳秋光便是天金谷西木偷歸我



錦囊只怨衝寒歎行役青鞋布襪却芬香

題胡季亨觀生亭

取觀天地羣物生意之義

誰信秋霜臘雪中雪中霜裏有春風菊花未了梅花發休說莢花入嫩紅

漏洩春風有阿亨一復詩眼太乖生草根未響渠先覺不待黃鸝第一聲

胡季亨贈集句古風效其體奉酬

秋氣集南礪清風來故人遺我一端綺莢李不成春大句幹元造高詞婉皇墳百衲收寸錦一字買堪貧苦恨鄰里問良覲渺無因今日是何朝始聞扣柴荆

黃菊有佳色寒水各依痕且共歡此飲重與細論文何以報佳惠山中有白雲

十月以雨妨農收二十八日得霜遂晴因

喜而賦之

兩脚麻相似禾頭耳次生風收白痴霧霜作上牢晴逗曉雙栖鵲巡簷數聲呼兒洗塵甑忍餓待新秬

早起

黃菊花繁依旧臞牡丹菜落恰如枯霜中蚱蜢凍欲死緊抱寒稍不放渠

蠅虎六言



長有青蠅入夢初無白額負嵎傳業義皇網罟齊名  
闕穀于菟

進退格寄功父姜克章

尤蕭范陸四詩翁此後誰當第一功新拜南湖為上  
將更差白石作先鋒可憐公等俱痴絕不見詞人到  
老窮謝遣管城儂已曉酒泉端欲乞移封功父詩編  
南湖集老

章号白  
石道人

寄題八桂張松卿義莊

張氏避毡裘邠遷來桂州買田同族食作計豈孫謀  
公藝君今是希文古罕儔荆花再連理萱艸更千秋

張氏避地自邠來桂此莊松卿奉冊  
大人之命為之夫人高年康強云

陳商卿挽詞

遠緒傳媯水高風似太丘萱堂魚躍雪蘭砌鴉橫秋  
杖屨踈金谷鶯花冷玉舟行看紫寫紙告筆噴松楸

嘉定元年春三月男 長孺 編定  
端平元年夏五月門人 羅茂良 校正



誠齋集卷第四十二

廬陵楊 萬里

廷秀

詩

退休集

題曾世夫頤齋

吾家子曾子滋蘭溪澗幽葯房動波底常編著音床  
頭夢吞六畫香身從三聖游上瞻岐山開下聆雷聲  
收告子闕灵龜潜淵騎玉蚪食菲足自養朶頤非所  
求一朝浮洛書綠字献萬疇分半啖虞翻相視一笑  
休



曉起

霜挾清寒凍殺人袖中十指怯頭中金篦落地拾不  
得却是穿窓曉日痕

日午

揭竿借日自烘衣背立晴暄片子時雪後春生人未  
覺弄絲嬉子独先知

賀胡守寺正

庐陵新事一奇絕老農七年不識雪史君領取六花  
來一夜九天開玉闕万家傳作銀樓臺千峰琢出瓊  
崔嵬頻歲魃鬼崇擺種來秋雲子如芋魁老夫與雪

六久別滕六參儂求譜說為渠拈此一瓣香今身胡  
然姓前身黃只愁潁川歸廟堂不愁寰宇無儂穰東閣  
官梅應解語綠毛公鳳仍能舞合詞再拜壽史君滿  
為天花中玉醕

十二月二十七日立春夜不寐

冬夜嫌長只望春三霄又永更何言曉梢強合終無  
睡脚底相摩也不温竟夕松風聽到曉忽明灯火看  
來昏擁紬却起蒙頭坐頽影真成一病猿

送黃幾先司戶

吾友黃編修用不究其挾有子傳父書潛心泣麟業



音中石渠賸筆底秋鷹捷蟾兔贈一枝衣鉢續四業葉  
不應千里來乃欲一揖別恰當新酒熟幸與故人接  
細酌且短檠軟語更長缺去、謁九扉天路看高躡  
寄題南昌尉廳思賢亭

南昌尉廳之右有孺子墓、前故有思賢亭中更  
兵餘亭毀塞湮今尉劍津張敬之因葺公廨披榛  
得墓按圖牒墓旁有九里井求之得井又有畦耕  
桓伊墓下得甃三款識云晉平南將軍墓聘君墓  
七里驗其遐邇而信表其墓乃復其亭云敬為賦  
之

有客栖霞外無名澹黨中南州一高士東溪獨清風漢  
舊國有禾女荒阡猶石翁更煩吹笛魄端為洗榛叢

甲子初春即事

老子燒香罷蜂兒作隊來徘徊繞襟袖將謂是花開  
臘去寒猶在春來花未開東風忽到放君一園梅  
徑裡渾糴白山桃半淡紅杏花紅又白非淡亦非糴  
只有現書樂其如病眼何但令吾意適不必卷頭多  
驟暖如初夏通身退袂衣只言寒已去却等五更歸  
人怨花遲發天教暖早催不知要催落却道是催開

二月十四日曉起看海棠



過兩天猶濕新晴日尚寒懸知曉妝好破霧急來看  
初日光殊薄晴梢露正濃弄珠妝未穩更着柳邊風  
晚得看花訣丁寧趁絕晨乘他醉眠起別是一精神  
四面花光合一身香霧紅忽從霞綺上跳下錦城中  
花密無重數看來眼轉迷化為花世界忘却日東西  
外種百來樹中安一小亭放眸紅未了紅了是天青  
老子候晨起蜂兒先我忙淵才無鼻孔信口道無香  
除却牡丹了海棠當亞元艷超紅白外香在有無間

寄題表叔仲侍郎殿撰建溪北山四景  
妙淨庵

韓子不肯佛饒操苦出家何如妙淨老紫棠碧蓮花

冰壺閣

竹園風世界梅花雪友朋地清無可比且道玉壺冰

玉虹橋

銀河月外來玉虹天上落騎虹弄銀河人間無箇樂

枕雲亭

脚底一朶雲乘之繞空碧前身王子喬今代李太白

題張季長少卿歸菴名取告詞云學足以

自飾

吾友張歸菴學到貴上白真貴初非文至飾之无色



君看瑄王安豈借青黃飾宝氣不自中白虹貫空碧  
歸菴隱眠嶺英名震京国魯論感鳳嘆春秋辨麟獲  
孝庙聘丘園有來校墳藉光皇訪忠隕再起貳卿棘  
未應兩朝舊不侍九重側訓詞揭昭回聖意深記憶  
盍歸贊人文小却猶講席未要從子真帶月耕岩石

十山歌呈太守胡平一

螺岡市上惡少為群剽掠行旅民甚病之太守  
寺正胡公命賊曹擒其魁杖而屏之遠方道路  
清夷遂無豺虎塗歌野咏輒撫其詞隱括為山  
歌十解庶採詩者下轉而上聞云

豺虎深文鴈鷺行到官管取汝無妨只將剽劫為喧  
鬧唱放歸來儘陸梁

群盜常山蛇勢如一偷捕獲十偷扶十偷行賂一偷  
免百姓如何奈得渠

塗客前春荷一豬城門賣得兩千餘明朝回到石斧  
嶺連弊教刀今在無

說似行人且細聽螺岡門外莫宵征前頭石斧韓婆  
嶺第一單身不要行

後趙前丁兩使君群偷望見捻星奔後人却笑渠儂  
猛仁及偷見不及民

丁卿季因賊土牢  
趙器之推折賊脚



王黃二盜以馳聲手捧腰刀白晝行逢着村人持一  
物喝令放下敢誰爭

近有村人帶血論使君親與看傷痕驚行剛道非行  
劫只是行人兩作喧

賢尹如何受吏謾青天白日萬人看忽然一展霹靂  
手盡杖偷冠竄遠蠻

北門今早頓些清懷壁操金儘夜行却有一般可伶  
底群偷枉却費家元

行人滿路喜歌呼小盜何須辱廟謨早箇使星歸鼎  
軸為禽韻利繫單于

五月十六夜病中無聊起來步月

拋官放浪十三年底事今年病懶殘舊篋肯饒梅摘

索新羸翻羨竹平安

無求不必位三公一飽何須萬祿鐘只有人生安樂

好享它明月與清風

人聖睡方酣難未知起來叫轉月華西南風吹落北斗  
柄細數月中丹桂枝

夏日雖炎夜却清心更還更勝三更露從玉兔鬚根  
落風在銀河浪底生

道是月明星更稀阿瞞以白未為奇今宵斗柄也不



見一鏡孤懸天四垂

題李季章中書舍人石林堂

紫微仙人今太白不愛好官愛奇石  
損從道山歸雪  
山一葉渙舟一橫  
笛舡過宣池月滿空乘雲飛上九  
華峰下指一椽九芙蓉和月擎取歸舡中  
歸到雁湖  
秋水碧萬斛酒舡觴九客  
慕願諸峰作不速不待折  
筒登几席儂與石兄殊不殊  
問訊別來安穩無  
事見  
奇石具衣冠拜  
之身為石兄

與長孺共讀杜詩

病身元一腦岑偶得兒曹文字林一卷杜詩探欲

爛西人齊讀味初深  
斲肝枉却期千載  
漏眼誰曾更  
再尋筆底奸雄死  
猶毒莫將饒舌泄  
渠心

食蓮子

白玉蜂兒綠玉房  
蜂兒未定已聞香  
蜂兒解醒詩人  
醉一嚼清水一燕霜

城中蓮子買將歸  
未問嘗新早與遲  
偶憶湧金門外  
曉畫舡帶露摘來時

載蜂兒出露房  
未生翅股及鋒芒  
了寧莫遣他人  
剝要染儂家十指香

族人同諸友問疾



老無星事可營為政是長閑好病時兩脚倦行贏得  
坐一生久睡頓赴還伊夢聞有客欣然起見道勤翁  
乃爾痴抵掌縱橫談亦笑以身安否更曾知  
摩詰沉痾未易排文殊一問失妖灾老夫何幸群賢  
集倒屣出迎凌眼開語造極時全愈了病知客去即  
重來呼兒細揀新書策体不佳時看一回

病中復脚痛終日悶坐遣悶

滿眼生花雪滿顛依稀又過四凌年誰知病脚妨行  
步只見端居例坐禪墮扇几旁猶懶拾檢書窓下更  
能前世人搃是飛仙侶我羨行人便是仙

六月二十四日病起喜兩聞鸞與大兒議秋

涼一出遊山

未伏將摧中伏休忽送夏又迎秋暑中竹色風仍  
兩病裡鶯聲喜破愁十年無此作微生一飽更  
何求急須剝踏蓮花麴藥玉新缸待拍浮五羊酒法用蓮花作麴

病勢初來敢頗強排山倒海也難當老夫看把東西

看豎子難成上下音酒陣時聞報三捷詩壇元不費

卓槍夜來夢入清涼國風月水人別是鄉

暑氣朝來掃地空南風畢竟讓西風秋生楚尾吳頭



外涼殺天涯地角中萬疊山連千澗水處行纏伴一  
耶箇初程道是窮忙者且宿東山東復東

雨後晚起看山

晨起出蓬戶換却隔水峰細看只舊山色與昨不同  
雖經夜來雨未必有許功雲師挈衆晚置在藍水中  
沙土俱綠浮草樹添青蔥不然近秋象那得還春容  
此意殊不淺要將調詩翁判斷索一語可惜語不工  
正使語一著不如山色濃

病中七夕

良辰美景底須來苦惱如山正滿懷蟬度清歌侑溪

柳花吹黃雪洒宮槐新秋風物俱堪賞久病心情自  
不佳說与兒童休乞巧老夫守拙尚多事

秋熟

今年秋熟倍當年更任西峰落湍村最是櫻桃梢上  
日徘徊不<sub>落</sub>等黃昏

食菱

雞頭吾弟藕吾兄頭角嶄然也不爭白壁中藏烟水  
晦紅蒙左袒雪花明一生子木非知己千載靈均是  
主盟與到炎官張火傘西山未當聖之清

晚酌



暑天寒栗飢來餒水果清於水果休蓮入新秋何更  
瘦菱沉到底竟能浮山泉釀酒香仍冽野蕪堆盤爽  
更幽方丈食前非不受風餅一腹飽詩愁

七夕後一夜月中露坐

火雲散作鬱金雲簷際移床偃病身古井石崖新汲  
水花洲苔砌蕩晴陰風終小動即停吹竹自不涼那  
及人獨感今宵上弦月桂梢分露滴紗巾  
今古詩人愛月圓未堪<sup>高</sup>略玉婢娟修眉半蹙各自  
好團鏡磨銀俱可憐一夜一般新樣出幾回幾換為  
人妍教渠也學金鴉扇未必清光直一錢

夜熱不寐曉起步溪上

夜氣積到曉微涼方滿川老夫乘早起落月正嫣然  
拄杖<sup>了</sup>疲擔行人憇痛肩勞生難獨免客路最堪憐

寄題趙清秘閣東山堂 充夫

阿旦東山著乾坤十兩世界三登村阿公東山著一  
身白雲保社明月鄰以山祇舍館以客千載阿誰敢  
度席趙侯玉三隆準孫洗空凡馬追古人千山萬水  
略行編一雖卓往東洋岸東洋山麓東復東築堂折  
簡招西公倒提北斗酌銀漢靈山作樽江作鍾浩歌  
小袖經編手笑与西公舉天酒東山今屬趙家莊數



請兩公遷別鄉

送吉州解魁左人傑諸太常

高皇一馬化龍日臨軒策士誰第一玉山下江流  
明年才十八第一人聖上來年集英殿黃微中央橫  
玉案何人再續老尚書木水左家千象駒春秋三傳  
貯骨臆買紙待侍昆董策君才盡占江相先君年更  
少江兩年

送左元規三請太常

晉侯三駕楚莫予薛侯三箭天山平江西今代再立  
明親到杏壇授麟經筆陣獨掃千人年兩魁槐花丹

荐名來年蘭省與集英三元不數馮家京

送廬陵宰趙材老

趙侯龍種秀天潢金玉所脾錦綉腸未復九人黃閣  
相猶堪三子紫薇郎飢餐蘭菊枝月醉酒雲烟白  
白霜誰與拜人誦遺愛老夫端欲續甘棠唐宗子相  
近士趙大  
夫除西掖

送項聖與諸太常

廬溪書院一番新千里學子來如雲天教書院名日  
起速化先從主人始主人主盟為阿誰楚漢名家今  
項斯胸中五車載書卷筆端三峽傾水硯魯秉周禮



說一經有司把燭題秋荐鵲袍詣闕柳袍歸來年書  
院史光輝

淋疾復作醫云忌文字勞心曉起自警  
半似枯禪半似痴也無何慮與何思偶看清曉後  
蝶飛遍黃花一、枝

荒耽詩句杜芳心懺悔鶯花罷苦吟也不欠渠陶謝  
債夜來夢裡又相尋

題朱伯勤千峯紫翠樓

秀嶺西頭鳳嶺東周遭略數一千峰商量後損新樓  
處損着灼音樓藍釀音酒中

一色千峯翠作圍忽然齊換紫綃衣客來欲識樓中  
景祇尋金鴉落海時

易允升畫像贊

髯疎樵欲無短鬚搔已禿定知得白來暗喜見眉目  
嚴陵決曹易允升自官下遣騎歸寫予老醜  
因題其額

玉泉半潭水釣葦萬壑雪汝往訪客星剩挾一磨衲  
又自贊

清風索我吟明月勸我飲醉倒落花前天地即衾枕  
寄題永新吳天勸眉知宮方外軒



君家祕監唐詩客飲中八仙渠第一君家水部晉仙  
真曹拜束封玉路塵祇今孫子方外士羽衣霞佩雲  
為袂月下緱山吹鳳笛霧裡華陽割龍耳何當踞龜  
食蛤蜊火嚼碧石藕嬉瑤池若見君家兩仙伯為儂寄  
聲好將息

寄題萬安蕭和卿雲岡書院

君不見南軒先生以道鳴嶽麓書院陶諸生君不見  
晦菴先生妙經學廬山書院傍白鹿吾鄉蕭君八業  
孫雲岡孫齋高入雲芝蘭玉樹年績文江湖鶴袍予  
駿奔願師朱張兩先生駟馬高蓋塞里門

題王晉輔專春亭

向來王家癖於馬今來王家癖於花洛陽城裏花如  
海一半移取來君家此花就中最穠麗姚家黃兼魏  
家紫花王更有王中王看却姚魏千花降一春好處  
君知否上已前頭寒食後千花不用如渠伊此外春  
光更屬誰

題王晉輔桂堂

諸天別有金色界金粟如來更奇怪玉露洗面晞金  
風黃雲迎下月姊宮未與群芳較顏色寒香世界誰  
較得一箇世界一粟中萬粟世界香無窮詩人夢入



廣寒殿香教詩人天不啻

贈臨川嚴太伯秀才

臨汝嚴夫子措節叩敬廬文如漆園壯人似客星孤  
善相遺麟瘦深參得腹腴行看最先進辨論諸儒  
嚴功最先進  
辨論大臣

送羅季周主簿之官八桂

憶昔相從夜誦時子垂兩鬢我初髧梧桐葉落猶無  
睡桃李春歸總不知我已懸車老岩壑子方歛板走  
塔墀莫嫌衰病人皆棄桂嶺梅花寄一枝

己丑改元開禧元日

開禧元祀更元正宿雨新收放曉晴夜半梅花添一  
歲夢中爆竹報殘更方知人喜天亦喜作麼鐘鳴雞  
未鳴老子年齡君莫問屠蘇飲了更無兄

立春日

何處新春好深山處士家風光先著柳日色款催花

寄題鄒有常愛蓮亭

道鄉先生有族子卜築富川弄江水更穿兩沼磨碧  
銅分種芙蓉了秋事一沼花白一沼紅新亭恰當紅  
白中外花不與千花同吹香別是濂溪風

題分宜李少度燕谷



君不見向來吹律談天術能令寒谷回春暖君不見  
祇今桂山謝良齋能回燕谷為春臺謫仙耳孫有仙  
骨家傳謫仙好風月劇開別墅一谷中管領春光醉  
烟雪良齋作記印此山與主人千載傳谷中花柳  
莫放過已取風月三千篇

答胡伯園贈詩

澹老即右柯永賢渥注財駕折金鞭只今兩子似連  
璧一建瓴旌開二天白馬將軍震文苑青錢學士即  
甘泉弟兄蕙茂仍蘭蕙頓有機雲在眼前

荅胡仲方贈詩

疇昔昭王渡楚江得萍斗大嚼甘芳因君黃綬作此  
縣問古青蘋何處鄉民樂弦歌愛言偃天將桃李醉  
河陽望陽曰說為邑宰邑宰今看為望郎

病中春雨聞東園花盛

萬類欣一老悲物華豈是不佳時病夫自與春無  
分好景非於我獨遺花底報來開已開雨中過了更  
曾知風光九十今強半又約芳菲隔歲期

雨霽看東園桃李行溪上進退格

藥裏關心正腹煩強排孤悶到東園行穿六二三  
徑來往紅白白間繞樹仰看渾不見隔溪回望不



勝繁村、苑李家、有脚力酸時坐看山

春盡夜坐

春光草、病中休病眼逢春道是秋祇有青灯怜此  
老伴人無睡照人愁  
疾痛呼天、豈知、而不管亦何為偶拈白傳長慶  
集又得歡欣片子時  
病夫說病訴傷人他自開眉我自顰後有病夫看病  
句不須告訴亦沾巾

去歲四月得淋疾今又四月病猶未愈

去歲四月病如今一歲來越吟三百日凉劑二千杯

極痛過於割通身總是灾花時人斷酒紅藥為誰開

自遣

莫將一病苦憂煎山尚能游石可眠匹似病風兼病  
脚老夫猶是地行仙

久病小愈雨中端午試筆

病較欣逢五、辰宮衣忽憶拜天恩旧時疊雪含風  
眼今看空山雨点痕

爰與陳玄酷作緣餘波染指黑瀾班呼童汲水無來  
底自拙垂簷一滴慳

春去無花可得攀石榴不結却明鮮昨朝花發今朝



落田得梢頭一帶看  
月季元來挿得成  
瓶中花落葉猶青  
試將挿向蒼苔  
砌小朵忽開  
雙眼明

送吉州太守胡平一寺正赴召

憶昔軋道遊碧水君為秀孝儂  
博士遠今嘉泰歸青原  
儂為州民君刺史人生離合  
風中雲白髮相逢有  
幾人與君相逢又相別  
不待折柳眉先輝如君豈弟  
民父母春風之人夏雨之  
忽然一夜飛秋霜驚殺雁  
鷺兼豺狼政聲無翼到天上  
玉皇詔君登廟廊即星  
卿月小借路金華玉堂即  
高步中與噴閑育鳳麟向

來未有乘鴻鈞祇今丞相破荒了第一衣鉢當傳君

病起覽鏡

病起長新骨居然非旧容  
眼添佩環帶腰減採花蜂  
對面不相識何人忽此逢  
吾身無定在更要問窮通  
覽鏡忽自問何方一病翁  
生涯管城外本貫醉鄉中  
筆硯今都廢尊壘久屢空  
又將數莖雪顛顛見西風

病中感秋

病中一刻抵三秋况見西風再樹頭  
老去能禁几回病秋來不為別人愁  
書帷夢覺疑僧榻竹戶涼侵似  
客舟壽外康寧方是福不然徒壽不須休



秋夜

晨興換新衣視身忽潛愕腹皮皺百摺解肉寬一握  
沉疴兩年餘衰骨半標落且留宿塵垢莫遣新澡濯  
未澡体尚肥既濯肌轉削無髮已是僧有骨不如雀  
明年方八十似覺九十着音寡食幸自清辟穀底須  
學便可作飛仙玉風上雲幕如何肥瘦想猶有秋衣  
作

夜讀詩卷

幽屏元無恨清愁不自勝兩窓兩橫卷一讀一沾襟  
祇有三更月知予萬古心病來謝杯杓吟罷重長吟

病中止酒

平生萬事輕惟以酒自娛當其愛酒時一日不可無  
老來因屬疾不飲五月餘客飲我不羨而况逢麴車  
見杯不思斟見樽不思酌終日但清坐此心長泊如  
只悞世人情逐物非一途仕者騶貂蟬貨者珍金珠  
賜泰強原貧由勇諄孔迂何物真樂憂何人定巧愚  
病後得有身曠然同太虛其餘君莫問麴生尚可踈

病中喜雨呈李吉州

兩日炎暉烈未收連宵甘澍沛如流大田今日非昨  
日多稼新秋賽旧秋涼氣隔簾深沁透香烟春袖散



難留使君小試為霖手便作江西第一州

送戴良輔藥者歸城郭

君欲問淋病便是法外刑封剔備百毒便以虐燄烹  
玉泉夜半勅六丁押差戴君藥為 丞倒囊刺手探玉  
扎一洗愁肺冰雪清一生百病都好去不但膏盲駘  
二豎寄言仲景與安常古今何代無醫王

寄題張仲寅甘老堂

屏山十論泐聖心甘老十論刮古今古今刮得都見  
髓持獻玉工逢剛趾玉皇左相華陽封上與阿旦獲  
周公荐渠金門可登仕金門送渠外臺試渠儂掉頭

不肯行有雪可釣月可耕思山紫巖椽來大墮音思江  
白魚舡樣箇綠蓑青笠霞上臥不知畢逋明眎東西  
過

送藥者陳國器

竇憲一舉空朔野曹霸一筆空凡馬吾鄉藥者有陳  
生一九洗雪空萬藥者庸醫皆嘆道旁莎陳生拈出便  
是玉山禾庸醫皆嘆淵下水陳生酌來便是上池底  
也只不離神農書：外別得一亡珠也只不出岐別  
論：外別得舌一寸日遭痔疾惱殺儂新遭淋疾與  
合縱恰如住在圃田國晉楚腹背來夾攻陳生贈我



玉菌子乃是華陽洞中乖龍耳陳生贈我紺葉紗乃  
是金鴉脚底扶桑花汲泉親手煮蠓眼一澆枯腸如  
澆沙平生旧疾蟬殼退秋風吹落青天外更傳枕中  
鴻寶方戒勿浪傳泄天藏君不見回岩仙客逢貧子  
指石成金吾濟爾貧子再拜不要金祇覓指頭吾自  
指

送王長文赴上庠

吾鄉前輩王南賓讀書萬卷筆有神屢登天府獻和  
璞玉工過眼珉奪真祇今有孫又奇絕踏雪携書詣  
金闕玉皇書院碧水中賜子半牕菴玉虫端能健筆

追乃祖斗數寸心馮千古廣寒掇取第一枝早為雙  
親開兩眉

賀吉州李守臘雪

任侯妙手佐廬陵民歌敏惠如神明歌声動天下降  
瑞一夜幻出瓊瑤城麗譙一新玉樓現郡治別起銀  
設廳曉上青原臺上望千門萬戶皆水晶八邑山川  
一千里盡種琪樹璣為英幕僚秉燭爭入賀老夫抱  
病獨僵臥寄言賀客此未奇來年玉粒滑流匙萬艘  
珍珠貢京師老夫已草周頌豐年詩

除夕送次公子入京受縣



過眼光陰又歲窮相看父子一樽同春回雨点溪声  
裡人醉梅花竹影中汝趁暄和朝北闕我扶衰病見  
東風弟兄努力思報國放我滄浪作釣翁

丙寅人日送藥者周叔亮歸吉水縣

拔草不拔根塞水不塞源忽然草生更水長敗却禾  
稼仍滔天老夫昔歲得淋疾初謂一日今兩年服藥  
六千六百錢野望舒二十二回圓偶逢周郎頌一肺擒  
二豎發藥何用多刀圭起沉痾向來肝腸痛如割今  
歲疾病全然脫捉著根源盡掃除周郎神醫天下無

病中感春

老去春來已薄晴体中病後更玲竅海棠紅釀飛成  
雪楊柳金濃染作青到得當年饒景物不如日日借  
園亭一杯欲把還休去遮莫鶯花咲獨醒

落花

紅紫成泥、作塵顛風不管惜花人落花辭樹雖無  
語別倩黃鸝告訴春

雨中問訊金沙

金沙道是殿羣芳不道荼蘼輸一場十里紅粧踏青  
出一張錦被晒晴香只須日蔭已無暑更有新條如  
許長若恨昨朝來草、夜來風雨更禁當



寄題劉正卿夔清軒

吾鄉今代劉更生新序說苑落筆成問君才思寧底  
巧玉泉統屋共夔清此泉來從何境界銀河飛下夔  
羅帶便好乘槎犯斗星所桂廣寒天上行

初夏病起曉步東園

低枝碧李壓人頭過雨紅梅滿道周紅日漏雲初試  
暑綠陰酣露已渝秋  
病起烏藤強自扶三徑裡曉晴初鶯聲只在花梢  
上行去行來不見渠

送羅正夫主簿之官餘干

君家人物已數世後有秘丞前給事近來復見卿先  
生武岡使君五經笥君才自是一世英珠玉照乘仍  
連城妙年已號萬人敵強仕初登千佛名番君小屈  
習鑿齒且與刺頭簿書底即看給札試蘭臺飛上木  
天校文字

五月三日早起出東園示幼輿子

雨香不及露華香竹液花膏馥葛裳儂與曉星成二  
客更無人共上番涼

筠箕茗帚兩無踪竊果畦丁職不供老子不來終幾  
日松花榭菜粥庭中



端午病中止酒

病裡無聊費掃除  
中不飲更愁予  
偶然一讀香山  
集不但無愁病亦無

嘉定元年春三月男長孺編定

端平元年夏五月門人羅茂良校正

誠齋集卷第四十二



